



新集卷二下

兵部郎中 兵部員外郎 兵部分掌 儀仗 舊庫部

兵部分掌 緊慢置鋪驛走遞馬教 車路 舊馬部

兵部分掌 承發司文字 合給牌劄 廐牧

刑部尚書 刑部侍郎 刑部員外郎

刑部分掌 關津巡察 舊司門 工部尚書 工部侍郎

工部郎中 工部員外郎 工部分掌 山林川澤之禁

工部分掌 都水監 都水 舊水部

工部分掌 都水監 都水 舊水部

樞密院 樞密使 樞密副使 簽書 同簽書

都寺 舊都承旨

御史臺 御史大夫 御史中丞 侍御史


治書侍御史 殿中侍御史 監察御史 檢法

登聞鼓院 登聞鼓院

#1

13
1804
21

3
1804
21



詩文入隨急詔朝天去陳後山送鄭祠部仰承宗廟懷祇虔晉祠部稱合

古今事實三世為郭賀德基世傳禮學祖文發文淹至德基二世為祠部郎

德基於禮記稱為精明南史二年在部宋葉夢得字少蘊遷祠部員外郎召

對上喜因問在祠部幾時對行及二年上曰如是久乎朕即當不次擢卿後

數日遂除起居郎長編召拜祠部晉周捨博學九精義理善誦詩書吏部尚

書范雲重其才器言之梁武帝召拜尚書祠部郎禮儀損益多自捨出也

陽典祠宋富弼子紹庭除祠部員外制云惟爾先正相予祖宗爾少長義方

習以成性詩云乎惟其有之是以似之朕亦何愛典祠之清選而命汝陟

為以勸夫孝於親者往其欽哉東都事異平為水廳祠部呼為水廳去声言

其清且冷也因話錄不博都門唐省中語後行祠也不博中行都門同上言

南北郊魏徐邈為祀部上言南北郊及論明堂宗廟毀建言皆有證魏志職

大廟事晉改立大廟魏書為祠部郎職其事職類才應禮樂晉許允之字之

奇才應禮樂擢為祠部郎同上議有故實後魏裴脩兼祠部曹每有疑議撰

斟酌咸有故實北史不度僧道宋陳襄字述古號古靈先生判尚書祠部時

譯怪僧法護遺表度十僧趙奩奏列于廟三年度道士襄皆執奏不行神宗

實錄不向秦檜宋胡寧文定之子遷祠部員外與秦檜議論不合時檜為樞

新集一

九四

密檜問，兒子近除如何，寧曰：外議以公相必不襲察京之迹，檜怒以言章罷。

論樂無非 姚察為尚書祠部員外，舊魏王肅奏：天地設宮，懸之樂八佾之舞，至梁武帝以為事人禮，繩事神禮，簡古無官懸之交，陳初承用，莫有損益，宣帝欲備樂，付有司立儀，以梁武為非，時碩學名儒咸有察，乃博引經籍，獨違羣議，據梁樂為是，當時莫不歎服。經論：趙彥若遷祠部員外郎，先是宗廟薦新，仲秋用芡，萌不經，易以蒲，白彥若曰：蒲春始生，可食，秋則過時，不所以薦，乃據引經傳，改從春薦。國史。

禮部分堂 四方使客。舊主客，歷代沿革，主客之職，固有之。漢置尚書郎四人，其一主匈奴，單于蕃部，蓋主客之任也。魏有南主客，置主客分左右。

南北宋置主客，梁皆因之。隋為主客郎，大業改司蕃郎，文帝置主客員外郎，煬帝為承務郎。唐龍朔改司蕃大夫，宋主客無所掌，建炎二年詔禮部郎官一員兼主客，掌諸蕃國朝貢及國信禮物，并封襲祭享之事。元令史分掌名頭，四方使客隸於禮部。

古今事實：漢家為節，後漢何濂，以有美望，公府中十辟，無所就，由是名重。華夏起家為尚書主客郎，主客稱職，後魏李綽為尚書南主客郎，綽前後接對凡十八人，頗為稱職。唐對魏使，唐果之為主客郎，對魏使使問，果之曰：百

姓那家，家題門帖，賣宅，答曰：朝廷欲掃蕩京洛，克復神州，所以家家賣宅，魏使縮鼻而不答。南史：梁北使，梁范胥為國子博士，有口辯，嘗兼主客郎，應

接北使，美言，魏收為主客郎，接梁使謝琰，徐陵時，徐陵為散騎常侍，使魏，魏人授館，實是日甚，熱主客魏收嘲徐陵曰：今日之熱，由徐常侍來，陵即答曰：昔王肅至此為魏始制禮儀，今我來聘，使卿復知寒暑，收大慙，齊文襄為相，以收失言，囚之數日。

古今事類全書新集卷之十四

六曹部

兵部尚書 歷代沿革，兵部尚書，周之夏官太司馬卿也。漢置五曹，未有主兵之任。魏置五兵尚書，謂中兵、外兵、騎兵、別兵、都兵也。晉太始中有五兵尚書，宋齊梁陳皆有之。後魏置七兵尚書，後周置太司馬一人。隋改兵部尚書，唐龍朔元年改司戎太常伯，咸亨復光宅，改夏官尚書，神龍復天寶改武部尚書，至德復掌武官選舉，總判兵部職方、駕部、庫部事，其分鎮選舉亦為三銓，如吏部、兵部、尚書、武舉、民兵、廂工、軍、鹵簿及蕃夷官，負承襲之事，凡懸其什伍而教之，戰兵部武選制，倣貢舉法，若遣將出兵，露布奏

捷必告於廟其屬有三曰職方部縣地圖審夷歸附之事隸焉曰駕部輦
輅車乘廐牧驛傳之事隸焉曰庫部軍器儀仗函簿供帳之事隸焉元豐
五年九月詔應公邊義勇保甲事並隸樞密院其餘民兵悉隸兵部建炎
三年併衛尉寺歸兵部元仍唐宋舊置兵部掌兵籍軍器鎮戍廐牧鋪驛
車輅儀仗郡邑圖志險阻障塞之事置令史分掌名頭以尚書為長
羣書要語四曰夏官其屬六十掌邦政周禮乃立夏官司馬使師其屬而掌
邦政以佐王平邦國夏官司馬掌邦政統六師平邦國周官知惟若疇圻父
薄遠書酒誥汪圻父司馬也初父于王之爪牙詩睢鳩氏司馬也左傳夏官
大司馬之職掌以九伐之法正邦國制軍誥禁以糾邦國領校人牧師職方
司兵之屬即今兵部之任也通典尚書大司馬亦曰夏卿職林大司馬者武
官也大總武事訓馬為武者取其健行釋名兵部為西曹崔融選人議惟茲
夏官實掌戎政白居易行柳公綽詩緝熙九法董正六師孫汝長李林甫制九
法以正邦國蔡缺議五兵尚書疏中臺政事所出兵部司馬之任南豐虞制
夏官掌武超進宗資揚億代表文官七兵之秩同上周禮命卿司馬掌國征
之事虞表類恭守戎曹訓察武郡簡贊之務軍國是殷許公集周之九法歷
代用焉故夏官之重也高入虛錄柳校陸康兵部尚書制武選隸於天官兵

政總於樞輔故司馬之職獨有文書東坡表掌天下兵衛武官選授之政
凡軍師成卒之籍山川要害之圖廐牧甲仗之數六典
古今事實為縉雲黃帝夏官為縉雲觀鳳凰黃帝坐玄扈之樓上與司
馬容光臨觀鳳凰之至河圖以三公頌周成王時畢為三公兼領司馬之職
釋名為宰相兼唐外崇為宰相兼兵部尚書屯戍斥候士馬儲械無不暗記
唐書南省視事唐李輔國為兵部尚書南省視事使武士戎裝夾道唐書
岐路不用唐朱准為兵部尚書自得岐路必當大用封川多方沮之同上
數訪非政唐王起字舉之為兵部尚書文宗數訪速時政起因積兩願竟逐
臣唐職林召入坐語宋黃中為兵部尚書兼侍讀每常入直上常先遣人候
視至則亟召入坐語從容月必一再見公知無不言朱文公撰黃端明碑
居榮尚簡唐李懷遠除兵部尚書雖久居榮位而彌尚簡率常乘款段馬左
僕射豆盧欽望曰公榮貴如此何不買駿馬乘之答曰此馬幸免驚蹶何假
別求聞者歎美通典指樹而漢唐具湊為京兆尹以能政兼兵部尚書街樹
缺所司植榆以補之湊曰榆非九衢之玩亟命易之以槐及槐陰成而湊卒
人指樹而懷之奏傳余也唐令狐楚請道新授方鎮節度使等執弓登帶器
仗就尚書省兵部參議定奏軍國異容古今定制事不由舊斯為改常未聞

省閣之門忽內弓刀之器鄭注外蒙恩寵內蓄兇狂首創奸謀將與龍兆致
王播郭行餘之輩敢驅將吏直詣闕庭震驚乘輿騷動京國雖既往不咎而
其源尚開伏乞速令停罷如須參謝即具公服從之坐失軍容唐元宗初即
位十一月武於驪山兵部尚書郭元振坐虧失軍容將斬以御張說於馬
前諫曰元振有功社稷雖重不可加刑配流新州疏劾亂行宋祀南郊
蘇軾以兵部尚書為鹵簿使上因大廟宿齋行禮畢特至青城忽有積金橐
車并青蓋轎重百餘乘衝突而來公呼御營巡檢使立車前曰西來誰何敢
爾亂行曰皇后并其國太夫人其大長公主也公即於青城上疏劾之明日
中使傳命申勅有司嚴整杖衛言行錄論制水道宋兵部尚書王庶論制水
之道在於民周文王問太公以為國太公曰愛民而已在書無不本諸愛民
者上歎曰大臣才也遂拜樞密副使中興保年錄

兵部侍郎 歷代公重 兵部侍郎周官夏官小司馬中大夫也漢以來有尚書
侍郎後周依周官置置兵部侍郎唐因之龍朔為司戎少常伯光宅中為夏
官侍郎後復故舊制一負正三品總章元年加一負掌武選地圖軍馬甲械
之政令凡軍以籍統謀者閱習按試選募元豐正名除許將試兵部侍郎自
此始也元仍之置兵部侍郎

臺書要語 小司馬之職周禮析父之貳夏卿之亞張九齡為裴光庭神入亞

六卿共行司馬之法出鷹九命俱受元戎之律白樂州記惟茲夏官實掌戎

政簡稽調補今方其時司馬貳卿佐平邦國白集除柳公綽兵部侍郎制六

卿之亞皆高選也而夏官實主武事還貳析父用切爾勞曲阜除陳垣制

百今事實 宋 蔣伸字大直為兵部侍郎宣宗雅信愛伸每見於天下
得失伸三起三留曰他日不復對卿矣伸不喻未幾拜相云何令知選 盧承

慶遷兵部侍郎太宗尋令檢校兵部侍郎仍知選事承慶辭曰選事職在尚
書臣今掌之便是越局太宗不許曰朕今信卿卿何不自信也今同省唐

崔湜為兵部侍郎父搆為兵部侍郎父子同為南省副貳有唐未有

祖先有勳 唐衛次公為兵部侍郎選人李勣徐有功之孫名在熟中公召而
謂曰子之祖先勳在王府豈限常格並優秩而遣之詔紹德 唐盧元輔端

靖介正能紹其祖奕本傳 有家風唐太宗以楊洪禮有文武材擢為兵部
侍郎入參機務出統衆攻戰太宗曰越公兒郎故有家風矣以 諷諭唐楊

弘武為司戎少常伯遷西臺帝嘗謂曰爾在戎司接官多非其才何耶弘武
曰臣妻剛悍此其所屬不敢違以諷帝用后言帝笑不罪論 唐李渙

遷在部侍郎與同寮蕭真深為宣宗所遇每二人同直無不召見詢訪時政

有邦國刑政太事。中使傳宣。詞渙心欲論諫。却曰：「此一事，須降御札。」方敢施行。遲留至且，必論其可否。上言多從之。奏入事，宋許將入為兵部侍郎。條奏八事，以為兵之事有三：曰禁兵、曰廂兵、曰民兵。兵馬之事有三：曰養馬、曰市馬、曰牧馬。兵器之事有三：曰繕修、曰緝用、曰東都事。奏曰：「臣聞古語云：『兵者，國之大事，不可不察。』」公權兵部侍郎，首奏四事，曰：重待從，增臺諫，擇監司，郡守。又任監司郡守，上曰：「皆今日要務也。」言行錄。宋王敏節，馬為兵部侍郎，對便殿，口陳。手書秦隴形勝利害，上大喜。即日遷兵部尚書。北盟會編。宋周簡。惠公，秦隴兵部侍郎。元顏亮，斃張公，自督府來朝，密言恢復，公請對，謂：「不可輕舉，累數千言，上唯唯。五月，敗書聞，上思公言，以左中大夫參知政事。野園。勿議和議，宋兵部侍郎張壽，力詆拜詔之議，秦檜患之，薰託疾，在告檜使樓。焯論之曰：「北扉闕人，上欲以公為直院，宜早出，薰大駭，曰：『愈不敢出矣。』若使草國書，豈能曲徇意，薰嘗意之，不過一去檜不能奪，遂止。中興係年錄。宋李文敏公，即召為兵部侍郎，苗劉反，露刃官門，上登樓撫諭，公。孫越，即此苗劉等，克敵稍息，公扣宰相朱勝非問計，策傳等皆在，公反覆鑄。誥人為公危，公無懼色，太后垂簾，勝非奏變故以來，能助朝廷者，惟李、郭、鄭。毅及除公翰林學士，上賜親札，略曰：「卿毅然正辭，氣折羣醜，萬眾動色，其臣。」

觀旗 周益公集

○兵部郎中 歷代公筆 周官大司馬屬官有軍司馬下大夫蓋郎中之任也。魏有五兵部曹，曹有七兵皆置郎中，宋有中兵、外兵、騎兵、後省騎兵，齊因之。梁、陳有左右中兵，左右外兵，騎兵部曹皆置侍郎，亦郎中任也。後魏因梁、陳舊制，初為兵部侍郎，又改兵曹郎，唐武德改兵部郎中，龍朔改司戎大夫，咸亨光宅，神龍隨曹改復，宋初除潘良器，本曹所治之事，郎中兼外郎參掌之。建炎三年，併為冗職，以兵部郎中兼職，元置兵部郎中。羣書要語：既丞夏官之屬，元和制：語夏官之劇，既參戎事之嚴，權受五兵之部。司武屬重子文昌，並同上。七兵之曹，郎吏之選甚寵。郭輔制：夏卿首。嬌寵七兵之秩，用服一臺之華。胡文恭曰：公所制外兵之負。郭輔制：夏卿首。曹中臺妙選，張最制：往陵五兵之屬。公流行周思未制：兵部郎中一員一在。侍從不居外省，元微之行，楊嗣復制。古今事實：秦泐若流，姚崇為夏官郎中，契丹擾河北，兵檄叢進，崇奏泐若流。武后賢之，拜侍郎，公務修，唐張光庭轉兵部郎中，既歷清華，人未之許，及在職，公務修，整裝皆嘆服。唐盧奕懷慎之子，與兄洵齊，名聞元中，任京兆司錄參軍，天寶初為鄂縣令，進京師郎中，所歷有聲，皆如洵之所治。

也吏部有稱李澄歷兵部郎中澄有吏幹明於凡案甚有當官之稱

掌判帳判簿唐兵部郎中一頁一頁掌判帳及天下武官之階品衛府之名數一頁掌判簿以總軍戎差遣之名數唐制掌勳官簿書掌武職勳官三衛及兵士簿書朝集祿賜假告差發武職告身事掌守身令蕭恩梁宰相傾之予性淳謹承事父母未嘗不束帶而見然性嗜酒無節職事弛慢為兵部郎中曰掌告身印恩之次頗怠職事父傾為吏部尚書代恩視印篆其散率如此五代

○兵部員外郎歷代沿革周官大司馬屬官有司典司馬上士後周依焉蓋

員外郎之任也隋開皇六年置兵部員外郎煬帝改兵曹承務郎唐改兵部員外郎龍朔三年改司戎員外郎咸亨元年宅神龍隨曹改復宋諸司員外郎正七品兵部本曹所治之事員外郎參掌之元仍唐宋舊置兵部員外郎

羣書要語員外郎一人一人掌責舉及雜請之事凡應舉之人有謀略才藝平射筒射皆待命以舉若州府歲貢皆勸貴文狀而引試焉一人掌選院調之南選曹每歲選人有解狀簿書資歷考課必由之以覈其實乃上三銓進用則書焉六典

古今事實嘉貞詳次唐張嘉貞為兵部員外郎特功狀盈凡郎吏不能堪嘉貞為詳處不閱旬庭無積牒正倫謂唐魏徵薦杜正倫擢兵部員外郎太宗勞之曰朕舉賢者非朕獨私以能益百姓也唐書

○兵部分掌儀仗歷代沿革周禮夏官有司甲下大夫為司戈盾弓矢之

長各辨其物以待軍事皆庫部之任也魏始置庫部郎置以後有郎中後周有小武藏大夫隋初為庫部侍郎煬帝為承務唐龍朔改司庫大夫咸亨復又為庫部員外郎龍朔以來隨曹改復六典宋駕庫一部皆無所掌建炎中以駕部兼領元兵部令史分掌名頭

羣書要語缺

古今事實掌戎器唐庫部郎中員外郎掌戎器函簿儀仗唐書省有美譽唐

陸象先弟景倩景融景獻景喬歷河南令庫部郎中皆有美譽僧一行小時與象先兄弟相善嘗謂人曰陸氏兄弟皆有才行古之荀陳無以加也其為當時所稱示有止足唐孔若思明經舉遷庫部郎中若思嘗謂人曰仕至郎中足矣至是持一石水滿於坐右以示有止足之意唐書同龢不拜宋江智深門孤援寡獨有此選意甚不悅固辭不拜宋史宋文帝宴會苑外歸化人在坐帝問尚書庫部郎中顧琛曰庫內仗有幾琛對曰有十萬

人仗舊武庫仗多秘不言帝既問悔失言及珠詭對善之

兵部分掌

緊慢置備驛走遞馬數
命餘牌劄

承發司文字
廐牧

○舊駕部歷代沿革

周夏官之屬有典司馬有校人主馬之官有牧師掌牧放布巾車掌公車之政及王之五輅皆駕部之任也魏晉尚書有駕部郎宋駕部屬左民尚書齊因之後魏與北齊並曰駕部郎中隋曰侍郎屬兵部唐龍朔改司典大夫咸亨復故天寶中改司馬至德復故宋駕部司事一人以無職事朝官充輿輦車乘隸於太僕傳驛給受一出於樞密院廐牧之政總於羣牧司本司無所掌元豐改制郎中員外郎始實行本司事案輿輦車馬驛置廐牧之事入禮則戎有司具五輅凡奉使之官起關視其官職及所治事給馬如格官文書則量其遲速附馬步急遞應內外監牧租入多寡準准登耗皆檢密焉建炎二年以駕部兼庫部復併太僕寺歸駕部紹興元年復裁內外官於其駕部又當省而郎適兼讀王府有詔聽留備其選勿補厥後間或一置而一食之制定矣元因之兵部令史分掌各頭無專曹官

羣書要語夏官典司馬周禮擢司典馬之政初秦除李倫制輿馬輦乘之奉郵驛圍牧之治中臺要務主以郎官南豐擬制甲冑弓矢之器乘輿函簿之

武藏之任郎選甚高南豐駕部兼庫部制

詩句幽閑靜境別無事惟有南宮老駕兒白居易贈駕部吳郎中

古今事實老昭閣簿比齊馮子琮為駕部郎中攝庫部孝昭帝嘗問簿領令

陳子琮問對無有遺失分紀楊素附本李靖在隋為駕部員外郎左僕射

楊素附本謂曰卿終當坐此公義隋辛公義為駕部郎勾檢所獲十餘

萬匹帝嘉曰唯我公義奉國竭忠通典元亮清謹崔元亮字曉叔為駕部員

外郎清謹介特澹如也如慶唐畢緘字存之為駕部員外郎故事勢要

家人以倉駕上曹為厚祿而然如慶美官本傳互見倉部不傳前行中刑

戶不傳前行駕庫唐國史補

古今事類全書新集卷之十五

六曹部

刑部尚書歷代沿革刑部尚書周之秋官卿也漢成帝時尚書初置二千

石曹主郡國二千石又置三公曹主斷獄光武改三公曹主考謀二千石

曹掌市都官水火盜賊辭訟罪法置初伏漢置三公尚書掌刑獄太康中

有三公尚書以吏部尚書兼領刑獄宋始置都官尚書皆掌刑獄後魏比

齊皆置都官尚書後周置大司寇卿隋初曰都官尚書開皇二年改為刑

部唐龍朔二年改司刑太常伯咸亨復故武后改為秋官尚書補龍元年
復天寶改司憲至德復宋刑部尚書侍郎中丞為階官尚書掌天下刑
獄之政令而侍郎中丞外郎分治其事元刑部掌律令格式審定刑名
奴婢配隸關津機禁城門啓閉之事置公史分掌各頭以尚書為長
羣書要語五曰秋官其屬六十掌邦刑周禮司寇蘇公式敬爾由獄以長我
王國書立政司寇掌邦政詰奸慝刑暴亂周官乃立秋官司寇使帥其屬而
掌邦禁以佐王刑邦國周禮太司寇職掌建邦之三典以佐王刑邦國詰四
方同上司寇正刑明辟以聽獄訟聽之於棘木之下以獄之成告于王制王
大司寇以其成從質於天子同上莒太子僕來奔季文子使司寇出諸竟左
子為司寇將盜是務去爽鳩氏司寇也並同上彌我五教掌茲三典制家
掌其二典詰彼四方記室新書超同秋典顏魯公集設官分職以司其事制
題名秋官古卿南豐擬制中臺八座典司邦禁同上冊筆平刑爰副一人之
欽恤唐奏類叔問之臣掌秋官唐書秋卿恤刑事無枉撓又云紹敝而於
謳謔盡制於法理唐太師李國之二柄在德與刑邦之二典惟清與慎大
齊有欽恤之言楊王右軍務之教爽鳩之為司寇務在澤人皇陶之作主師
期於政理張鷟云

古今事實不前循梁羊侃為都官尚書官者張僧胤候侃曰我狀非關人
所坐竟不前之時論美其真正梁書不屈和客唐崔隱甫舉介自守以強正
稱為刑部尚書帝欲相之也曰牛仙客可與語卿常見否曰未也帝曰可見
之際甫終不語他日又問對如初帝乃不用贊曰嚴挺之拒宰相不肯見李
林甫崔隱甫違詔不拜仙客信剛者乎二人坐是皆不得相彼亦各由其
志也唐崔隱甫傳覆獄唐劉祥道遷司刑太常伯每覆大獄必歎獄累
數奏決之日為之不食上疏激切唐類真卿為檢校刑書永泰中元載引胤
私黨請百官凡欲論事必先白長官白宰相然後聞奏真卿上疏曰天寶後
李林甫威權日盛羣臣不先咨宰相輒奏事不遍託以他故中傷猶不敢明
約百官令先白宰相如今日之事曠古未有陛下不覺悟漸成孤立矣其激
切如此於是中人爭為以本布於外屈突回辭屈突通為刑書自以不習文
固辭改工部並唐書隱甫自守見上注庭無留事李適之拜刑書夜則寘賞
書夾公務庭無留事本傳刑斷唐柳公綽為刑部尚書京兆人有姑鞭
婦至死者府斷以償外公綽議曰尊毀軍非聞且其子在以妻而戮其母非
教也竟得杖外領刑林監梁元帝以沉重領江陸遷都官尚書領材林監又
令於合歡殿講周禮後周書息官省矣宋徐孝先為都官尚書自晉以來尚

書察皆携家屬居省省在臺城內下舍兩中有閣道東西跨路通于朝堂其
第一郎都官省西抵閣道年代久遠多有鬼怪每夜昏之際無故有聲光或
見人著衣冠從中出尚書周確在此省孝先伐確即居之經兩載妖變皆
息時人咸以為真正所致建武制宋文王正公曾在審刑日建議親親
被乃坐罪未幾外郡有以具獄獻罪章聖憐以違制坐之公以制非親親
從違失上原其美言行錄
獄雖聽奏而勿郡懼得罪不敢讞故免獄常多肅建請諸路疑獄皆聽獄有
不當者釋其罪自是全活者衆東都事考
院先是盜殺同黨既自已就捕例不抵死公曰此但非有其質或就滅其口
非有自新改過之心無定檢者請更議其法乃詔盜殺其徒而小首者毋得
原秦和不上天宋蘇頌字容神宗朝知審院刑金列張仲宣受財枉法抵
死法官援前比貸死杖春縣配海島公奏古者刑不上大夫今刑為徒謀恐
汗辱木冠耳仲宣由是得免杖黜止流海外自是命官刑無杖黜者
○刑部侍郎歷代沿革周之秋官小司寇中大夫也漢以來尚書侍郎後周
依周官隋煬帝置刑部侍郎唐因之龍朔改為司刑少常伯光宅中置
官侍郎天寶中為憲部侍郎掌律公刑法續按大理及諸司應天之事

元豐正名除大理卿崔台符為之完仍唐宋舊置刑部侍郎
書要語小司寇之職掌外朝之政以致萬民而詢焉周禮周之秋官小司
寇中大夫也六典擢亞秋官韓文貳于刑讞劉球制秋官亞卿曲阜制秋卿
之貳佐平邦憲類要秩貳秋官參執邦典南豐擬制俾踐白雲之司裴致
復制宜宜室受讞之際思滿堂飲酒之言杜牧行李從誨制予曰罪爾勿罪
予曰寬爾勿寬同上小司寇之職以五聽獄訟求民情一曰辭聽二曰色聽
三曰氣聽四曰耳聽五曰目聽周禮以八辟麗邦法附刑罰一曰議政之辟
二曰議故之辟三曰議賢之辟四曰議能之辟五曰議功之辟六曰議勤之
辟七曰議貴之辟八曰議賢之辟同上刑部侍郎一員掌天下刑法及徒隸
勾覆關禁之政令其屬有四總其職務行其制命凡中外咸質正焉唐職官
唐有大獄即命御史中丞刑部侍郎大理卿充謂之太三司使唐職官
古今事實東之相才狄仁傑薦張柬之宰相之才否為洛州司馬仁傑曰臣
薦宰相而為司馬非也乃授司刑少卿遷秋官侍郎張柬之傳
曆初宜中書以諫議大夫劉稹楚為刑侍丞郎宜授自此始唐書
劉球轉刑侍精於法律選制勅可用者議其輕重成一家書號大中統類奏
行之王播格條王播轉刑侍精於法律法寺議讞科條繁雜播備舉格條置

之座右凡有詳決疾速如神條屬歎服道裕言富唐太宗時刑部侍郎有闕
冷執政妙擇其人奏皆不可太宗曰朕得其人矣往昔李道裕議張亮云及
形未具此言當矣雖不即從李道裕遂投道裕韓愈為刑侍憲
宗遣使鳳翔迎佛骨入禁中愈上表極諫請斬之宋曰公孺字稚卿元
祐初為刑侍原廟亡珠繫治其次公孺言殿中主者不一前後代者未嘗以
服御相授且時日官嬪往還不一有所亡豈可指意吏卒獄雖具願非聖裁
不可上深以為然國史本傳奏於人戲元祐中駕幸凝祥池宴從臣伶人
以先聖為戲刑部侍郎孔宗翰奏唐太宗時嘗有為此戲者詔斥去之今豈
宜有此詔付於官于理渾水無談論執縱入獄初刑部有却殺人獄侍郎彭
汝勵引例乞加查配執政不以為是降特旨皆殺之汝勵執不可長編
平及還官范百祿字功父除刑部侍郎有以強盜及故殺鬪殺情可矜者讞
于朝法官援例貸免司馬光曰殺人不少則法廢矣百祿曰謂之殺人則可
制刑而以為不疑原情而以為無可憫則不可百祿在刑部用法多所平反
遷吏部侍郎東都事畢平反被賜陳賈康伯謚文正兼刑部侍郎前此有
司專用權臣風章為獄重輕公事久之故家多被其賜言行錄平反誰宜張
文忠公九成兼刑侍一日法寺以成案上天砥公閱首未得其情因請覆實

囚果証服者也奏之時法官抵罪而朝論欲以為賞公辭曰職在詳刑而
實衆以邀賞可乎言行錄

刑部郎中歷代沿革周禮大司馬冠屬官有士師下大夫蓋郎中之任也

漢尚書有三三公曹後漢有左右曹魏有都官曹皆掌刑法獄訟之事晉

宋齊並以三公郎曹掌刑獄置郎中一人隋初有三公曹置刑部曹掌刑

法置侍郎一人唐因之武德改刑部郎中龍朔改司刑大夫咸亨元年神

龍並隨曹復改宋元豐正名初除胡瑗杜絳建炎詔刑部以一員為額紹

興詔身任郎官依元豐舊法分左右聽治事從右司汪應辰之請也元祐

唐宋舊置刑部郎中

羣書要語周禮大司寇屬屬官有士師下大夫蓋郎中之任也六典宜止秋臺

之職進承郎資之務胡文恭奏廖詢制刑者所以助治聖人不謹中臺案錄郎

漢其高南豐除韓晉卿制丹筆議刑國網作重白雲司職人命是懸唐表類

古今事實充定律令魏有定科郎曹賈充定律令以裴楷為之職類

宋韓晉卿權刑部郎中天下大辟請讞執政以為煩將劾不應讞者晉卿

適白省中因曰讞不至矣議者欲天下獄悉從奏決晉卿曰恐罪人之外於

獄多於伏辜者皆從之長編

○刑部員外郎歷代沿革周禮大司寇屬官有士士後周依之蓋員外之任也隋開皇六年置刑部員外郎煬帝改憲部承務郎唐因之武德三年改刑部員外郎為中書省光宅神龍並隋置改復宋因之元乃唐宋舊置刑部員外郎一人

羣書要語郎中員外郎掌律法按覆大理及天下奏讞為尚書侍郎之貳唐丞則失情緩則留獄深則碍怨縱則生奸惟是四者持刑之權元稹尚書刑部員外郎

古今事實小三司使唐有太獄以刑部員外郎御史大夫大理寺官為之以

史疑謂之小二司使職林第一課最重夏卿以課最第一轉長安令改刑部

員外郎分紀守法不撓唐杜景佺為刑部員外郎守法不撓本傳何加

令孤暉大歷中為刑部員外郎上疏諫山陵事詔答曰古之遺直何以加焉本傳

又請永杜牧頃於宰執求小儀不遂請小秩又不遂尚書故實可當

是選侍御史王鎰自居殿中能察非法連鞫庶獄多協平允加以溫敏靜專

可當此選一歲之獄決在秋冬今方其時宜散乃職自居易性鎰刑部員外

伏進和州至道初張昞為刑部員外郎西川安撫奏望授昞諸司使知雅州

上以省郎之重不欲換他職故進秩加賜令服而遣例藏刑中元祐元年三

省言中書置刑房檢例官從之獨刑部員外郎劉廣上疏言元豐官制以刑藏刑部司比則取鈔不可則取旨今非故事詔如所請而例復藏刑部自是中外奏讞無所避矣九朝通畧

○刑部分掌關津譏察城門啓閉舊司門歷代沿革周禮大司徒屬官

有司門上士司門下大夫後周依周官有司門隋開皇置司門侍郎煬

帝去待字又置員外郎又改承務郎唐因之加中字龍朔改司門大夫咸

淳復宋因之元刑部令史分掌名頭無專曹官

羣書要語司門掌授管鍵以啓閉國門周禮

古今事實置出入關遺郎中員外郎掌開關出入之籍及關遺之物唐書又

掌開籍關棧及道路所關遺之事

古今事類全書新集卷之十六

六曹部

○工部尚書歷代沿革周之冬官卿也漢成帝初置尚書有民曹主吏人上

書光武改民曹主繕修功作鹽池園死之事魏置左民尚書晉宋有起部

尚書後周有冬官太司空卿掌五載九範之法隋有工部尚書唐因之龍

朔改為司平咸亨復武后改為冬官神龍復摠判工部屯田虞部水部事

新集二

宋工部判部事一人以兩制以上充城池土木工役皆隸三司修造案本曹無所掌元豐官制行尚書工部掌天下城池宮室舟車器械符印錢寶之事百工山澤溝洫屯田之政令是時尚書稱木餘人紹興三年併少府監歸工部以文思院舊為文思院直屬少府監至是以少府監併於工部故文思院監官乃今工部辟差元工部掌修造營建法式諸作工匠屯田山林川澤之禁江河隄岸道路橋梁之事置令史分掌各頭以尚書為長

羣書要語六曰各官其屬十掌邦事周禮舜曰咨四岳有能者庸熙帝之載使百揆亮采惠疇命伯禹作司空書舜典帝曰疇若予工命曰禹哉帝曰俞咨禹汝共工同上安文定薛汪去父司空酒誥司空掌邦土居四民時地利周官六職百工同上鵬鳩氏司空也左傳五雉為五工止同上國有六職百工與居一焉禮考工記程叟之重有若百工號令之先允難六職大詔令各厥常伯楊億代謝表守臺起曹訓匠建事南豐擬制尚書漢公卿也言動可各屬人耳目固不專於率而屬程百工修位於各官而已白集專實之制平百官之上書錫五材以辨是非國之肇碩詳於典制則不可以綜事訓工建明理本也常集五材是宜百工惟敘城郭都鄙定其規上農工商

得其所記室新書

古今事實職在司空唐張鷟位當參政之官職在司空之任盧齊之代伯禹統其班周成之朝毛公處其地八為八座唐閻立本代兄立德為工部尚書兄弟相代為八座時人榮之貞孫稱職長孫平為工部尚書名為稱職隋書大義剛烈李太義為工部尚書性忠謹外若不能言而內剛烈不可干非其義書著勞績鄭善果為工部尚書正身奉法甚著勞績唐新詔不治產案干休烈為工部尚書不治產案樂賢下善推轂其其眾並唐書創軍國書陳從易為起部尚書巧思過人軍國器械多所創立陳書講大極殿初侯景一年殿被焚承聖中議營之獨入一柱至陳高祖時忽有樟木大十八圍長四丈五尺流泊陶家後監軍鄒子度以聞詔中書令沈眾兼起部尚書構大極殿請形按人宋元符三年曾布之相也御史中丞豐稷欲臺屬論之遂遷稷工部尚書稷力丐補外不允謝表有內侍已成於然府俸人方刻於奏章之語上問俸人為誰曰曾布陛下布則天下事定矣編年備要張忠簡公闡擢工部尚書兼侍讀初上用真宗故事命經筵官工員澠學士院朝夕宜召商確古今諮訪政事公入對尤數知無不言屬引疾馬爾上曰朕所以知外事皆賴尚書工部一書相從久忍言去邪

新集二

四十五

○工部侍郎 歷代沿革周之各官小司空中大夫也隋煬帝改置工部侍郎
工部尚書統侍郎二人唐因之龍朔改爲司平少常伯咸亨復改時曹各
或改而官不易宋元豐正名初除熊本元仍宋制置之

羣書要語百工惟時命汝典制起曹書殿兼而委之百集工侍兼其工
之貳南豐制飭五材程匠事又官罷列俾介厥司同冬官之貳方此得入疇若
元工汝爲已試知章制疇若元工汝往爲元紀綱繕修之政杜塞滯巧之作

百人事實 有宰相望 唐李德裕字負一爲工部侍郎魁然有宰相望本傳

得用書資 帝問蘇頌有工部侍郎得中書侍郎者乎對曰陛下任賢惟所命
何資之計唐書 重惜名器 宋太祖重惜名器錢景白白州刺史未文資得祕

書監遷工部侍郎連典數部無洽聲上謂宰相曰此貴家子不可以任丞郎
改鄆州團練使筆談 永拜浪章 宋端拱元年工部侍郎同知朝京官考課雷
得驟來致政先是與趙普不協普再入相制下之日德曦方立朝不覺務隨
遂拜章求普之鱗也續陳實事 宋張惠簡權工部侍郎給札侍從臺諫其時
務令工部事時應詔數十人惟公與國子司業王十明指陳實事斥言權倖
無所回隱明白上召兩人對內殿大加稱賞賜酒者再回授御書一軸
自謂無與楊龜山先生時爲工部侍郎入對首言自古聖賢之君未有不以

典學爲務以君德在是故也奉命兼侍讀長編

○工部郎中 歷代沿革周禮大司空屬官下大夫蓋郎中之任也晉宋齊皆
有起部郎中宋起部郎不常置梁陳改置起部侍郎隋初爲工部侍郎煬
帝改起部郎唐武德改工部郎中龍朔改司平大夫咸亨復光宅神龍並隋
曹改復宋元豐正名初除范子奇高遵惠元因之置工部郎中

羣書要語 不卿之屬 公康行李徽之制中臺起曹郎選尤重曲阜制官室球
隍程匠度材之事郎於起部其選其高南豐范子奇制 郎吏今之高選工官
號爲劇曹張元方制

詩句 身覺省郎在 家須農事歸杜甫 不才各任晚 敢恨省郎遲同上 夔府書
郎官幸備員 欲陳濟世策杜甫 老尚書郎 雖爲尚書郎不及村野人馨
香粉署研 並杜詩注公時乃工部員郎不能謂省徒想其官署之妍美耳

古今事實 掌程式 唐工部郎中員外郎掌經營興造之衆務凡城池之脩濬
土木之繕葺工匠程式咸經度之六典又掌興造工匠諸公廡舍宇五行紙
筆之事職負令 知制誥 宋范杲以工部郎中知制誥會要

○工部員外郎 歷代沿革周依周禮制置小司空蓋員外郎職也隋開皇
六年置工部員外郎煬帝改起部承務郎唐改爲工部員外郎龍朔二年

改司車負外郎咸亨光宅神龍隨政復宋仍舊舊元置二人

書要語隋朝二十四司各置負外郎一人以司其曹之帳籍昔陶弘景代

之高義始願四十為尚書郎而不遂國朝選著尤因其良元稹授羅讓工部

詩句馨香粉署妍杜詩注公時為工部負外郎不能請直徒想其官署之美

欲陳濟世策已老尚書郎杜詩不才各位晚政恨省官進杜夔府書懷郎官

幸備負同上雖為尚書郎不及村野人同上

古今事實杜甫杜甫有詩名元宗時獻朝魯太清宮賦拜官祿山陷京

師元宗幸蜀肅宗即位於靈武甫間關奔請行在拜左拾遺因房瑄罷相甫

諫不納請告省家後嚴武辟為幕府拜工部負外郎劔南西川節度府參謀

官本記將係江諫將係連工部負外郎又遷郎中宰相宋由錫為北軍羅織

罪有不測係與諫官崔元亮江諫於王階之下申錫方城外時論極之唐書

○工部分掌山林川澤之禁○舊虞部廢後公革周禮有山虞澤虞蓋虞

部之職也魏始有虞部郎中曹因之宋齊省梁陳為侍郎隋為承務郎唐

龍朔為司虞大夫咸亨隨曹改復宋虞部無掌以屯田郎兼之元工部以

今史分掌

書要語山虞掌山林之政令澤虞掌國澤之政令周禮帝曰曠若予上下

草木鳥獸食曰益故帝曰俞咨益汝朕虞書舜典

古今事實職掌山澤虞部郎中負外郎掌京都畿關苑囿山澤草木及百蠻蕃

客時蔬薪炭供類畝獵之事唐書虞衡之守蒐田以時澤梁有祭虞衡之守

所以送嘉生泰化育南豐擬制

○工部分掌都水監都水○舊水部歷代沿革後周各官有司水中大夫

有司水上上隋文帝有水部侍郎煬帝改承務郎唐復改龍朔改司水大

夫咸亨隨曹改復宋水部無所掌元設都水監都水一員並隸工部

書要語川衡掌巡川澤之禁令周禮

詩句省中官最美無似水曹部李餘慶

古今事實職掌唐郎中負外郎掌津濟船艦渠梁隄堰溝洫漁捕運

漕碾磑之事唐書

古今事類全書新集卷之十七
樞密院部
樞密院行樞密院同歷代沿革唐律宗永泰中置樞密使始以官者為
之初不置司為但有屋三楹貯文書而已其職掌惟承受表奏於內中進
呈若人主有所處分則宣符中書閣下施行而已永泰中官官董廷秀參

堂樞密事長慶中王季澄知樞密事舊左右軍容多入為樞密亦無視事之廳後信昭時楊復恭西門李文欲奪宰相權乃於堂狀彼時黃指樞密事此其始也後梁韋唐世官官之弊開平元年改樞密院為崇政院唐莊宗同光元年復以崇政院為樞密院置樞密中以為參知樞密院事四年廢樞密院以劉處謙為樞密院事多不稱旨又處謙丁憂處謙遂廢樞密院開運元年復置樞密院六年范質王溥並奏知樞密院事宋樞密院與中書對持文武二柄號為一府太平興國四年以石熙載為樞密直學士樞密院事簽書之名始此淳化二年以張遜知院事溫仲舒冠准同知院事同知院之名始此治平中以郭達同簽書院事同簽書之名始此時陳升之二至樞密神宗欲稍異其禮乃以為知院元豐改官制議者欲廢樞密院歸兵部神宗曰祖宗不以兵柄歸有司故專命官統之互相維制不從然以樞密院職輔隨非出使之名乃定置知院同知院一人專以兵機軍政為職元置樞密院堂凡武備機密之事有樞密使同知又有副使簽書院同簽書其屬有判官經歷都事照磨管勾等職在外又置行樞密院自副使始以下諸職皆同

樞密院堂太子之幾務及天下邊境軍馬之政令會要 有卷之四

總樞密於萬微王禹稱制樞密靖恭王會制仍冠中樞溫公撰潘公碑曰樞密於樞省王岐公集天樞環樞相共會任文彥博制北樞之職與神務張者謂擢贊上樞回蔡樞密旋冠謀於省省贈曾公亮批制樞要之司六十一舉畧勿之司楊文公表樞密知院典機務堂兵政出樞密命以佐邦治續會要知院掌佐天子執兵政同上真總樞樞溫公集丹地廻翔便總萬機之任展

赤類

詩句惟仲淹弼一變一契天宮霄予其敢忽曰衍汝來汝子黃髮遂長樞府至政無蹶于早識琦璫有奇骨可屬大車重厚如勅石徂徠聖德詩古今事實天樞後漢皇帝紀注春秋運斗樞北斗第一天樞第一璇第二璣也西樞熙寧三年詔曰國家以西樞內輔翊贊本兵任為軍矣西樞本細除知樞密院奏云祖宗之法樞密院事掌兵藉虎符三衙管軍諸路帥臣手兵柄各有分守所以維持軍政萬世不易之法也傳信錄西樞本細以右丞被命樞密奏云伏蒙聖恩除知樞密院事以被命樞密院事得冠奇英偉之人以居其任同上三省聚議常事樞密院自行至洪憲則三省聚議議之開南廳日源明堂雜記三省同議神宗改官制大事三省共樞密院同議進口書言稱三省樞密院同奉聖旨三省官皆同簽付樞密院行之小事

新集二

獨取事行訖開三省每朝三省樞密院先同對樞密退待於殿廡三省始留
進呈三省事退樞密院再上進呈獨取旨遂為定制同前
監與樞密周公呈本院事上曰適來一二事卿等各陳所見甚闊朝廷大體
公復奏曰臣蒙陛下擢用日愧素餐愚蒙聖訓敢不竭股肱之力言行錄
金西府事韓魏公曰慶曆中王希文彰國同在西府上前爭事議論各別下
殿各不失和氣如未嘗爭也當時相善三人正如推車子蓋其心主於車唯
行而已不為己也魏公別錄**發宣頭帖**郭崇韜安重誨為樞密使始分頭帖
事不與中書直行下者謂之宣如中書之勅小事則發頭子擬堂帖也至今
樞密院用宣及頭子承襲廣誌**陳朝廷體**見呈本院事周知世務李諒字仲
詢謚憲成嘗知樞密院事諒性明達周知世務處劇若閒暇在福庭柳蔭雉
堞為秋職東都事畧**召問治要**張忠定公意字子公孝宗受禪召除同知樞
密院事問為治之要公曰民治乃可以外撲願詔百執事赴都省給札條具
上天喜於是士大夫欲言不能首達者繼悉聞矣言行錄**托以腹心**呂公著復
同知樞密院事神宗手詔曰顧在廷之人有可以托中外腹心之寄者惟公
休戚之重無逾卿者可亟起視事**收之桑榆**呂公著拜同知樞密院事
公著謝曰奏曰臣老於閭外蒙陛下收之桑榆唯知奉日絀忠以報恩

權衡人才呂公著好士出於天性于大夫有以公人物為意者必問其所知所
聞參覈以待上求上嘗謂輔臣曰公著之於人材其言不欺如權衡之於稱
物也通畧**筆識諸將**劉忠肅公珙字共文乾道二年擢同知樞密院公以本
兵柄於諸將之能否不可以不周知乃自詣管軍統領官下至裨將佐日召
三四人與語得其材用所宜輒筆識之以待選用晦庵文集
樞密使歷代沿革唐初延英宰相奏事樞密使立侍得預聞五代後唐初
以宦者為之後梁始兼用士人晉天福四年廢樞密院開運元年復置周
亦有之宋初魏仁浦以宰相兼樞密使建隆三年以樞密副使兵部侍郎
趙普為檢校太保充樞密使不帶正官自普始也又以宣徽北院使李處
耘為南院使兼樞密副使自五代以來凡樞密院官皆文武兼用大中祥
符七年以王嗣宗曹利用並為檢校太保充樞密副使亦不帶正官開寶
九年以曹彬為樞密使領忠武軍節度使樞密節度自此始也至道三
年以鎮海軍節度曹彬兼侍中充樞密使彬自節鎮入秉旌鉞太平興國
六年以樞密副使石熙載為戶部尚書充樞密使以文資正官充使自此
始也大中祥符五年以知樞密院王欽若陳堯叟同中書門下平章事充
樞密使儒臣為樞使自此始也皇祐五年制以樞密使高若訥為

尚書左丞觀文殿學士兼翰林侍讀學士同郡牧制置使故事龍圖閣直學士院降麻及若訥罷但冷令人草詞遂以為例元豐官制行罷使副紹興七年詔省密本兵之地事權宜重可依故事置樞密使副使開月詔宰臣兼使同月詔樞密使立班序並依宰相例乾道五年以虞允文為樞密使立班恩數並依宰臣元亦置樞密使
詳見樞密院門

羣書要語自贊襄於衮職其總領於星樞王隨制置使與樞本兵總務胡文
羣制法樞置宿陪樞議兵同上召置法樞付與大柄批卷宋序位登樞者之冠蘇魏公集願膺制命首贊樞庭六一集尚虛黃閣之居始建紫樞之位光膺制命登贊國機並同上頃陪議於室塗旋冠讓於省辰表類導上帝之命象在北樞本天下之兵存于白府參禪四輔冠領萬樞並同上位冠中書除文彥博制

古今事實降麻閣門唐僖宗乾符六年以李順融為樞密使降白麻於閣門
出案與將相同通鑑**宣麻公朝**舊例樞密使未帶使相省不宣麻至周太祖初潛歷試是任乃宣制於公朝今之宣麻自周太祖始續翰林志
後唐樞密使凡東西院二員宋朝亦東西院但行東院印會要**殿四使**唐大中故事對延英兩中尉先降樞密使候旨殿西宰相奏事畢案前受事

號樞密使宋朝首命趙韓王普時號樞二府禮遇無間每朝奏事與中書先後上所言兩不相知祖宗亦賴此以聞異同用分宰相之權會要

典樞密太平興國八年王顯元樞密使上召謂曰卿代非儒門必寡學問今在朕左右典掌萬機固無暇博覽羣書命左右取軍戒三篇賜之曰讀此則可以免面墜矣同前**位**樞密使崇禎既位極人

臣權兼內外謀猷獻納必盡忠規士族朝論頗以收獎人物內外翕然稱之五代史**權**樞密梁之崇政使乃唐樞密之職蓋出納之任也至梁始用士人其備顧問參謀議于中則有之未始專行事於外也至崇禎重海為之始復唐樞密之名然權侔宰相矣後世因之遂分為二文事任宰相武事任樞密安重誨傳

百度樞密晉復置樞密院以桑維翰為使事無巨細一以委之數月之間百度寢理五代史**高**大祖之將鎮鄴也蘇逢吉請改樞密使曰樞密之任方鎮帶之非便使洪肇曰兼帶樞密所冀諸軍稟畏逢吉曰此國家之事也且以內制外則順以外制內豈得使耶事雖不從物議多

周知四方晉周處國宣靖公公亮字明仲拜樞密使公在政府修紀綱除弊事誠損冗兵又更制圖籍以周知四方兵數登耗三路屯戍眾寡地理遠近言行錄不錯事王文定公名拜樞密使公在右府憂憂思職動中機會江

西顧文政柳寇陳峒李接之變淮陰劫寇等公應酬羽書號令賞罰明密平
當上亦稱其臺釐不差樞密錢良臣語公曰近郭諫嘗云蒙宜諭王樞使在
西府數年不尚餘一事樓攻魏集次與為民龐頴公籍為樞密使以近世養
兵之弊多而國用困竭於是大加簡閱揀放為民者六萬餘人減其衣糧之
半者二萬餘人邊儲由是稍蘇焉言行錄郭崇韜為樞密使魏王
平蜀大軍入西川城戒諸軍剽掠法令嚴峻估一錢必論之以法市不改肆
宣撫使卿周文忠公必大除樞密使上曰卿在西府備殫忠勞若有邊事宜
無使惟卿可他人不能也言行錄郭崇韜為樞密使上謂世忠曰
朕任卿等以樞府本兵之權甚大卿宜各為一心勿分彼此則兵功全而真
之能復顧如兀术者又何足掃除乎同上改詔救濫張君翰同光中為樞密
使偽蜀王衍既降詔遷其族於洛陽時東已亂莊宗慮衍為變遣中官賈
詔殺之詔云王衍一行並宜殺戮其詔已經印書時君翰在洛地覆視其詔
乃搢去行字改為家字及衍就戮止族其家近屬而已其偽宦及從行者尚
千餘人皆免其枉濫君翰之功也獻財助賞郭崇韜為監脩國史兼樞密使
初崇韜收下洛州通路遺親友或規之崇韜曰余備位將相祿賜巨萬但偽
梁之日遺賂成風今西方候藩多梁之舊將皆吾射鈞斬祛之人也一月革

面化為吾人堅拒其請得無損乎及禮郊崇韜悉獻家財以助賞給唐昭宗初即位有事于國丘宿示于武德殿時兩中尉兩樞密皆朝服侍
上公服危坐曹武惠王彬帝前論天下事無不合上意而公堂會議如不
能言太祖益所器重在宥嘗公服危坐如對君父接小吏亦以禮未嘗以
名呼歸私第唯開閣宴居不妄通賓客一鼓方罷已待漏禁門矣雖霜雪不
易其操如此者凡八年同上郭崇韜為樞密使范仲淹出
行門中時為參知政事數爭事郭前無溫也而仲淹益敬服之東都事畧
親賜錢夏竦為平章事臺諫交言其非改樞密使上親親錄茶儉二字賜之
又賜文行忠信四字以勉之同上虞使謂得人王德用武臣也仁宗朝再入
樞府為使是時富弼借契丹使來德用伴射使者曰天子以公與樞密而富
公為相可謂得人矣長編天下望為相田况拜樞密使天下願上望為宰相
以致天下不致困吝長興二年邢州汝州成兵還見訖於殿庭遺下匿名書
論本指揮元霸率欲入錢物帝吟張從賓被問樞密使范延光奏曰匿匿名
字准格不治禁訟端也不宜按問乃止請定帝制大中祥符中詔樞密使范
檢校平章事者不告引止於本廳贊喝時王欽若陳堯叟上言請定帝制先
是曹彬以樞密使兼相不告引故止用彬例國中賜食宋朝之制大宴樞密

副使不坐待立殿上既而退就御厨賜食與閣門引進四方館使列坐庶下
親王一人侍食每春秋賜衣問謝則與諸司使副班于庭中故朝中為之語
曰厨中賜食陛下謝衣道中曹利用天禧三年為樞密使後拜為鄆國
公退朝歸私第道中有狂人奪其印以為不祥未幾以姪訥所累而貶死天
下冤之張臥召問莊宗即位郭崇韜為樞密院使時李紹宏請棄鄆州與汴
人盟以河為界莊宗不悅獨臥帳中召崇韜問計崇韜曰陛下親御六軍長
驅倍道直指大梁汴城兵望風自潰既若偽王授首賊將自然倒戈半月之
間天下必定莊宗蹶然而興曰正合吾意莊宗入汴皆崇韜之謀也張擊
出張耆初以恩幸為樞密使時晏殊為樞密副使上言耆初無他才能徒以
恩幸遂極寵榮天下有私狗非才之議耆大后直坐以笏擊僕出守南京上
雖知其不當罷耆不得已乃曰他日朕當大用之終以為相會議使房昂
與趙延壽同為樞密使時薛文遇劉延勛居中用事其聽用之言上不得三
四但隨勢可否不為事先每朝廷議事昂與學士等環坐會議多於眾中悅
首而聽其避事如此讀奏不曉五代後唐明宗不知書每四方章奏皆樞密
使安重誨讀之重誨多不曉文義

○樞密副使歷代沿革五代梁崇政院置副使一人周末闕宋建隆中始以

樞密直學士趙普及宣徽北院使李處耘等兼樞密副使自五代以來凡
樞密院皆參用文武大中祥符七年以王嗣宗曹利用並為檢校太保充
樞密院副使不帶正官元樞密院有樞密使及副使行樞密院則只自副
使始

古今事實有宰輔才諫官歐陽脩余靖蔡襄咸言樞密副使范仲淹有宰輔
才器不宜局在兵庭上從其請以仲淹參知政事長編有大輔器韓琦初罷

相上問誰可以為執政者公方薦韓絳忠直有公輔之器上遂用為樞密副
使既而有排毀絳者上曰韓琦之去惟為此人朕豈可違言行錄出民相慶

呂正獻公公著拜樞密副使初自河陽入朝都人環視相謂曰此公還朝百
姓之幸也至是士民相慶既受命出殿門武夫衛卒皆歡抃咨嗟言行錄

士夫相賀慶曆初元吳納款遂召韓琦范仲淹為樞密副使天下聞之士夫
皆酌酒相賀曰上用韓琦仲淹非惟社稷幸乃天下生民之幸長編韓琦正

王文忠公堯臣為樞密副使持法守正以身任天下事凡濫恩倖請各隨其
事其事或損損之可絕絕之至其大者皆著為定令在在六年廢職修舉皆
有條理正行去疾富弼除樞密正宗責成於公開天章閣給筆札使書其所

欲為遣中使二人更登之公主北事上當世之務十餘條又自上河北守邊

十三策大略以進賢退不肖止僥倖去宿弊為本欲漸易諸路監司之不才者使澄汰所部吏於是小人始不悅矣議者復嘆熙寧中韓絳遷樞密副使神宗問天下遺利公對求遺利莫若盡地力退具疏以謂室農之弊莫若守差役請參議待從集議補邊防關歐陽公修為樞密副使公在兵府與曾魯公取天下兵數及三路屯戍多少地理遠近更為圖籍凡邊防久闕屯戍者必加蒐補長編却偽蜀獻沈義倫為隨軍轉運使入成都獨居僧寺蔬食偽蜀有以珍寶為獻者皆却之東歸終圖書數卷上聞其清廉擢為樞密副使長編轉運使李繼隆與轉運使盧之翰有隙遂奏轉運之軍糧太宗怒召中使杜三誦令取之翰及其人首丞相呂端不敢言樞密副使錢若水爭之請先驗有狀然後行法上大怒拂衣起入禁中二府皆罷若水獨留廷中上既食久之使人偵視廷中何人報云有細瘦而長者尚立焉上出詰之曰朕所以擢任以爾為賢爾乃不材如是耶尚留此安俟對曰陛下不知臣無材使得待罪二府臣寧不避死亡以報厚恩李繼隆外戚貴重莫比今陛下據一幅奏書誅二轉運使雖有罪天下何由知之鞫驗事狀明白加誅何晚焉上意解乃召呂端等奏請如若水議先令責狀二人皆黜為行軍副使言行錄

奏事書

韓琦為樞密副使兩府合班奏事琦必盡言雖屬中書琦

亦對上陳其實同列尤不悅上獨戰之曰韓琦性直阿意希有王沔事明有通時之用頗苛碎深刻不以至誠待人能阿世希意以自固祿位與張齊賢同任樞密副使頗不協

○**簽書**歷代沿革宋太平興國四年石熙載元懿公以樞密直學士簽書院

事簽書之名自此始也八年張齊賢王沔並以右諫議大夫簽書樞密院事景德三年韓崇訓檢校太傅馬知節為檢校太保並簽書樞密院事天禧四年以華州觀察使曹輝為宣徽北院使鎮國軍留後簽書樞密院事簽書兼潘鎮自此始也元豐官制行使副簽書悉罷元祐初復置簽書樞密院事初除皆帶密直及罷政乃拜端明殿學士王彥霖劉仲馮靖康初李回首拜延康殿學士簽書延康今為端明自是遂為故事元詳見前樞密院

古今事實無正員簽書無正員為使之貳續會要不次用王巖叟元祐八年

拜簽書樞密院入謝延和太皇太后諭曰知君才望故不次進用公遂謝而退曰願陛下用人之際更加審察邪正難辨辨之少差治亂所係正人在朝則朝廷安邪人一進則朝廷便有不安之象二聖深然之言行錄

馬拯簽書樞密院真宗訪以邊事拯以為備邊之要當須扼襟喉據險隘以

制敵之衝若於保川威虜間依徐河以布陳畏糧其勢足以決勝東都事畧

建中興議 權邦彥字朝美紹興間八在樞密知無不言言無不盡謂宜乘機

者二又建中興之議言行錄 學士簽書太平興國四年石元懿始以樞密直

學士簽書院春明退朝錄 檢校簽書景德三年馬正惠以檢校太傅韓公崇

訓以檢校太保並簽書樞密院事又王德用字元輔累任拜檢校太保簽書

密院事會要 諫議簽書興國八年張齊賢王沔並以右諫議大夫簽書樞密

院事同上 宣徽簽書端拱元年以內客省使楊守一為宣徽北院使簽書密

院事同上

○**同簽書** 古今事實治平 樞密院舊制無同簽書樞密院事者治平始

以郭達為之神宗正史職官志 治平二年冷郭達以宣徽使為同簽書樞密

院事長編 諫議同簽太平興國八年張司空齊賢王公沔並以諫議大夫同

簽書樞密院事春明退朝錄 處資淺才簽書大抵以處資淺之人若簽書一

經親祠方進同知及樞副若武臣擢預國政只除同簽書職源

○**都事** 樞密承旨歷代沿革 都事舊無其官宋樞密院有都承旨似其職

也蓋自太平興國中以楊守一充都承旨都承旨自守一始是時都承旨

多用士人真宗後稍上遂用吏人歐陽脩建言請復舊制不克行熙寧二

年始以東上閣門使李評為樞密都承旨不用院吏而更用士人自評始

也熙寧五年以尚書比部員外郎集賢校理司脩起居注魯孝寬為起居

舍人充史館脩撰兼都承旨先是或用士人亦止於右職中選用文館兼

領自孝寬始也元豐三年用張誠一為客省使都承旨自是都承復用武

臣元祐中復以文臣帶待制充都承旨至崇寧以後則專用武臣矣紹興

二年權禮部侍郎趙子書充徽猷閣待制密院都承旨自改官制後除大

臣自子書始建炎四年高宗在會稽以武臣辛道宗為都承旨頗用事紹

興元年十二月辛道宗既免乃詔依元祐職制置都承旨一員並差兩制

為之元樞密院可無都承旨而有都寺之官各異而職則同也

羣書要語 宣納密命曲阜除范純禮制 贊右府訂謨之微同上 樞機之地親

承密旨雖在副介亦須得入曲阜除曹誘制 陪輔帷幄以承密旨除劉奉臣

制右府管天下之機務而承密旨佐佐參總焉淇水除張誠一制

古今事實 掌宣密命都承旨副承旨掌承宣密命通領院務若便殿侍立闕

試禁衛兵校則隨事敷奏承所得旨以授右司四朝志 檢察司都承旨從

五品副承旨正六品通領院務及承百司之事檢察主事以下功過而陞黜

之凡御崇政延和殿則陞階侍立若禁衛兵校試技藝及蕃國入見則隨事

新集二

數奏所得旨以授有司神宗正史職官志

請委疆事

王嚴雙字彥林為樞密

都承旨湖北諸蠻互出擾邊公專請以疆事委判南唐義問遂草檄文諭義

問以朝廷方敦尚恩信勿為微倖功賞之意其後終底緘寧錄行

洪文安遵兼樞密院都承旨公既以迎臣兼承密旨邊防民隱每為上言

三衙春夏牧民夏孤城仰給蘇湖秀三州適積水滄田有司預請倍輸夏麥

以補芻粟北虜索劉孝恭等二百家公皆執不可軍器司敕命公料簡公庫

別良窳眾謂非孰於軍旅者不能也上以是有大用意周益公集

劉安世作都承旨待制范相純仁之出由安世章疏已而復拜呂相大防遂

擬安世真定宜仁難之呂云劉安世言范純仁今既復用宜少避之宜仁

曰今既不作言事官自不相妨其後樞密院奏事宜仁由前語韓師朴忠彥

如呂之對宜仁曰如此正人宜且留朝廷遂錄言行錄

以尚書比部員外郎曾孝寬安史館脩撰兼都承旨文館兼領自始

新編古今事類全書新集卷之十八

御史臺部

○**御史臺**歷代沿革御史之名周官有之戰國亦有秦趙渾池之會各命書

其事則皆記事之職至秦漢為糾察之任所居之署漢謂之御史臺亦稱

之蘭臺

漢以前書為中臺御史為憲臺謂者為外臺謂之

魏北齊謂之南臺北齊御史臺掌糾彈劾後周曰司憲唐曰御史臺高

宗龍朔中改為憲臺武后時改為肅政臺後去肅政之名恒為左右御史

臺宋沿唐制設御史臺其屬有三院一曰臺院侍御史隸焉一曰殿院殿

中侍御史隸焉一曰察院監察御史隸焉御制三院多出外任風憲之職

用他官領之太平興國二年以張昇為監察御史正名舉職自此始也唐

始置以憲御史之官見者唐儀臺案有大監司元豐三年李定請復六察

於是以前御史專領六察元豐三年御史臺長請以吏部及審官東西院二

班院兼察吏部三司及司農寺隸戶察刑部大理寺審刑院隸刑案其

都武學隸兵察禮祠部大常寺隸禮察少府將作等隸工察從之

元御史

臺掌糾察朝儀雜勅官邪勅鞠官符公事凡內外刑獄所屬理斷不當有

陳訴者仗臺治之登聞檢院隸焉有御史大夫御史中丞其下有侍御史

治書御史各二人又有殿中侍御史二人又有監察御史及典事之官其

屬有架閣庫管勾檢法獄丞等職

羣書要語御史掌邦國都鄙及萬民之治令以贊冢宰掌書贊禮春官

樞寺

圖書之府蘭臺章奏之庭論鮑宣之身人類胡廣之二登薛宣之明習文法
周處之震南權豪晏公類要烏臺峻秩望德威冠唐書佩崇班威局石室朱帷
露徹祗停州縣之勞白簡霜飛宜屏權豪之氣唐中宗授蘇炯制中宗執憲
之司四海繩違之地凡君中外皆侯唐書憲官之職在指按繩刑
唐太和制執簡南憲是惟邦直李回制事總朝綱職司天憲五代會要霜威
掃地風憲收聲同上執憲埤繩之司所以提振紀綱端肅內外白集行薛存
誠制御史府自中執憲暨察御史官皆顯秩也白集總憲度於朝端植風聲
於天下柳文秦漢以降御史府莫不用剛果勁正之士維持紀綱季代而遂
理輪破柱之徒純不復出元微之行裴注制前代有埋輪都亭之奏唐朝有
戴彩正殿之功杜牧行李詩制謬堂天憲同上御史府不以職名蓋總察
臺司典掌眾政元微之行高允恭制察糾彈劾北史舉直錯枉不避親讎糾
憲繩違務從公正云云寄之鷹軍用屍豺狼唐大詔令以掌刑法典章糾正
台官之罪唐百官志臨制百官糾繩不法若事簡則風憲官虞事煩則繩網
轉唐會要彭善理憲激濁揚清御史職也唐大詔令大事奏表小事專達
唐百官制英感火之精御史之象主禁令刑罰收捕糾正
詩句迴迹清憲臺選贈王元凱盛府持清素殊章動務不風連臺閣起霜就

簡在朱蘇味道贈御史入臺後直指烈方書蒼玉鳴佩綉衣登車元希
聲四言詩烏府先生鐵作肝霜風卷地不知寒東坡贈劉龜事思官先持
基憲賦霜秋林浦栢臺霜氣夜寒風動琅璫月向低東坡擊彊如催枯食
前不知苦山谷御史霜降威行私不容粟同上白簡威猶真青山興已濃東
坡時來上書真悅仰但一節危言回立山利盡毫末刑公送孫叔
古今事實烏府前漢御史府并舍自餘區府中列栢樹常有野鳥數千棲止
朝夫父來朱傳傳又成帝時御史臺有烏集故謂之烏臺蘭臺御史臺空執
憲中司朝會獨坐內堂蘭臺督諸刺史漢官儀又在殿中蘭臺畫圖籍秘
書前漢書百官表又曰栢臺見烏府注又曰南臺見治革注陳子昂為陳舍
人議官表云執憲南臺又曰肅政臺見治革注繩網之司唐高宗問群臣舉
御史會舉萬年尉楊子帝曰斯人常褻服居公視事其可以為準繩司乎
繩網之地唐大中三年中丞魏謩兼判戶部謩奏曰御史臺繩網之地不宜
與泉貨吏雜處乞罷謩戶部事從之會要又曰御史臺朝廷繩網紀正則
朝廷理朝廷理則天下治魏謩傳謂之司凡究而無告者二司語大車
奏裁小事專達二司謂御史大夫中書門下也唐百官志又高宗武后之際
當時大獄以尚書刑部御史臺大理寺雜案謂之三司六典魏為七貴御史

故事天朝會則監察班班常參殿中知班及閣則侍御監奏舍元殿遠
用八品官殿殿其次用七品紫宸殿殿最近用六品殿中得立五花墀綠衣用
紫按褥之類號為七貴唐國史補謂之八印臺印隨從印左巡印右巡印監
倉印監庫印監察印出使印譜之八印唐書謂之三官宋朝在禁中唯三

官得告宰相告中書翰林學士告於本院御史告于朝堂皆用朱衣吏謂
之三官唐書會要

通典 雄峻真允 御史為風雲人任彈糾不法百寮震恐官之雄峻莫之比焉

同上 臺官六察 御史臺大夫一人中丞三人掌以刑法典章糾正百官之罪

唐百官志 又太和七年敕文云御史臺所置六察分糾百司又天中元年御

史臺奏狀以御史臺監制百司糾繩不法若事簡則風憲自肅事煩則紀綱

轉輕唐會要 臺無長官 御史大夫李承嘉嘗言諸御史責曰近日御史言事

不諫大夫禮卑蕭至中日故事臺中無長官御史人君耳目也苟主臺得自

彈事若先自大夫而許則彈大夫不知自誰也唐會要 控御司北魏崔暹

為御史中尉尚書校牒索御史監選不與及暹為僕射還索御史宋遊道判

云往僕射若在憲司董梁北都今居初閣遊道判遂不與北史 獨處臺

北齊王高澄用崔暹為御史中尉宋遊道為尚書左丞謂之曰卿一人處南

臺一人處北也通典 唐至德後議道使府參佐皆

以御史為之謂之外臺職林 開山門 御史臺在宮闕西南其門北開取肅殺

之義 數都故事 又或曰隋初移都之時兵部尚書李圓兼御史大夫欲回省

便故開地門譚資錄 初臺在漢家校署御史多以立秋蓋以風霜始嚴臺

初臺杜牧之集制 獨擊臨 王敏懿公美字仲儀既升臺憲風力愈勁嘗與同

列奏事上前事有不合衆皆引去公方論列是非侯得旨乃退帝曰真御史

也議者目為獨擊獨擊 王陶彈宰相韓琦不押班琦乞出詔起其事

曰覽臺簡之忽陳規邪未錄 論漢王 治平元年正月臺官論漢

王事甚急臣等疏已七八上不聽遂皆納劾生求去而執政左密啓林中

自是乃尊漢王為皇言行錄 冠澤事 肅宗乾道二年制御史臺故臺事不

須進狀仍服牙冠唐會要 臺官察罪 舊制御史以警視飾車以白鷺見獄中

自察御史察微服之罪唐書 補不百官 御史有績衣直指出討姦猶治太

獄武帝所制不常置注衣以緝者晉書 晉傅玄

天性峻急每有奏劾或值日暮遂自簡藪坐以待旦於是貴遊懼伏臺閣

生風通鑑 治平中執政侍權以沮言為凡臺議官言又輒以進通鑑 抗震

之時謂之託臺吏亦為之沮被每自御史言其事又託也 備要

新集

臺一人處北也通典 唐至德後議道使府參佐皆

以御史為之謂之外臺職林 開山門 御史臺在宮闕西南其門北開取肅殺

之義 數都故事 又或曰隋初移都之時兵部尚書李圓兼御史大夫欲回省

便故開地門譚資錄 初臺在漢家校署御史多以立秋蓋以風霜始嚴臺

初臺杜牧之集制 獨擊臨 王敏懿公美字仲儀既升臺憲風力愈勁嘗與同

列奏事上前事有不合衆皆引去公方論列是非侯得旨乃退帝曰真御史

也議者目為獨擊獨擊 王陶彈宰相韓琦不押班琦乞出詔起其事

曰覽臺簡之忽陳規邪未錄 論漢王 治平元年正月臺官論漢

王事甚急臣等疏已七八上不聽遂皆納劾生求去而執政左密啓林中

自是乃尊漢王為皇言行錄 冠澤事 肅宗乾道二年制御史臺故臺事不

須進狀仍服牙冠唐會要 臺官察罪 舊制御史以警視飾車以白鷺見獄中

英宗初即位任事者益專凡臺諫官言事一切不聽或盡逐臺諫官
人京師為之語曰絕市無臺諫

○御史大夫歷代沿革御史大夫秦官也漢因之應劭曰侍御史之率故稱

大夫掌副丞相成帝後和元年更名大司空哀帝建平二年復為御史大

夫元壽二年復為大司空魏建安置御史大夫北齊後周並不置大夫而

以中丞為臺主隋諱中字依秦漢置御史大夫降為正四品唐武德中改

御史臺大夫從二品龍朔改為大司憲咸亨復為大夫光宅中分為左右

臺大夫及廢右臺去左右字從三品掌以刑法典章糾正百官之罪唐武

代會昌六年升御史大夫為正三品宋以御史大夫為兼官正三品元以

御史大夫為從三品

臺書要語內承風化外任統理才茂行潔達於從正谷永上疏 辟臺要殺非

德靡升專席雄班惟賢是屬楊左思受檢校右臺大夫制

古今事實御史大夫位上卿銀印青綬掌副丞相百官志

景議為御史大夫正也立朝時元宗舅鄭光卒詔罷朝三日景議上書曰不

可使外國強盛乃龍觀兩日奏書曰漢張湯為御史大夫每朝奏事日

天子於食水相充位而已博上服漢魏置為御史大夫初祭稱稽大通五

經為博士特實為弟子及御史大夫缺徵稽稽大夫皆以為得御史大夫至洛

陽聞稽為之稽大笑及至班實議封禪於上前大不能及退而服曰上誠知

入秦儀制唐開元中崔隱甫為御史大夫引故事奏決不便帝謂曰卿為

御史海內咸云稱職甚副朕之所委又憲司故事大夫以下監察御史為

官政畧無承稟隱甫一切督責事無大小悉令諮決稍有忤意者便列上其

罪前後數黜殆半拜僚制自入秦儀制周昌為御史大夫嘗入奏事高帝左

擁殿姬昌退走帝遂得昌騎項問曰我何如主也昌曰陛下即桀紂主也於

是上笑之然尤憚昌諫御薛廣德為御史大夫直言諫諍上醜祭宗廟

出便門欲御樓殿廣德當乘輿免冠諫曰宜從橋陛下不聽臣言臣自刎以

血汚車輪上不說張猛曰臣聞主聖臣直御史大夫言可聽上曰曉人不當

如是耶乃從橋貴戚穰李景議為御史大夫內臣貴戚泥穰有看街樓閣

皆泥之畏其彈劾本傳宰相趙鼎唐制大夫中丞西唐儀自黑分明薛宜以明書文法詔補為御

午前出宰相回避大夫中丞西唐儀自黑分明薛宜以明書文法詔補為御

史中不是時宜為中丞執法殿中外總部刺史數言政事舉奏部刺史郡國

二千石所殿退稱進自黑分明由是知名永上疏曰御史大夫內承奉朝

之風化外佐丞相統理天下任重職大非庸才所能堪今高選於群卿其缺竊見少府薛宣才茂行欻達於從政是用越職陳言行能唯陛下留神考察上然之遂以宣為大夫議論無拂陳萬年為御史大夫卿丞相于定國並位八年論議無所拂不違薛光拜御史大夫時借惠範特太平公主推執逼奪百姓謙光將加彈奏或請張之謙光曰憲聖理寬滯何所避避朝彈暮黜亦可矣不居王公韋思謙進御史大夫性嘗誇顏色莊重不可犯見王公未嘗屈禮或以為譏答曰耳目官固當特立雖鸚鵡鷹鸞豈眾禽之偶奈何屈以卿之謝在勸功韋挺拜御史大夫太宗嘗謂挺曰卿之任御史大夫獨朕意耳左右大臣無為卿者卿勉之哉挺謝曰臣為不足以身高位臣非勳舊而超處藩邸故僚之上臣願後之以勳立功者太宗不許坐而處處杜延年亦明法律為御史大夫居父官府不敢當舊位坐卧皆易其處以名望李光素拜御史大夫自貞元中位缺久難其人至是光素以名望召拜中外聳聽以長名張歐為御史大夫未嘗言換人官屬林為長者亦不敢欺上其獄事有司却却之不可者不得已為涕泣面而封之其愛人也如此可以為御史大夫趙堯為御史大夫從為趙相高祖封御史大夫印表之日誰趙堯傳

叔孫通起朝議會長樂宮成置酒御史執法舉不如儀者輒引去本傳侯地晁錯遷御史大夫請諸侯之罪過則削其地奏上上令列侯宗室集議真敢難錯獨竇嬰爭之由此與頗有隙奏去副封漢故事上書為三封其一曰副領上書首先發之有不善其去不奏及魏相為御史大夫奏去副封以防壅蔽而被飾詐汲黯謂上曰公孫弘位在三公俸祿甚多然為布被此詐也上問弘弘謝曰有之夫九卿與臣善者無適黜然今日廷詰弘誠中弘之病夫以三公為布被誠飾詐欲以釣名今臣弘位為御史大夫為布被自九卿已下至於小吏無不誠知黯言且無黜陛下安聞此言上以為有讓益賢之宜審驗疾御史大夫魏元忠時疾諸御史盡身之郭霸獨居後請視元忠便液以驗疾之輕重元忠驚悚謂曰大夫糞味其或不瘳今味苦當即命矣元忠剛直殊惡之兄弟並拜肅宗幸靈武李岷應召至行在拜扶風太守既收京師拜戶部尚書與京兆尹兼御史大夫時岷兄弟俱為武部侍郎成都尹兼御史大夫乾元初玄宗還京自蜀至又兼御史大夫兄弟俱判臺事時長安士庶皆美之

○御史中丞歷代沿革周官小宰之職掌建邦之官刑凡官之紀禁即御史中丞之任也周禮注言小宰若今御史中丞秦時御史有二丞其一為史

丞其一為中丞外督部刺史內領侍御史受公卿奏事舉劾按章覆奏亦謂中丞為中執法以其居殿中故曰中丞晉宋以下不置大夫以中丞為臺主官齊梁皆謂之南司後魏為御史中尉後周有司憲中大夫隋以國諱省中丞以持書侍御史二人代中丞之任唐制大夫掌糾正百官之罪惡中丞為之貳五代亦有之宋沿唐制大夫無正員止為兼官中丞除正員外或帶他官者尚書則曰某官兼御史中丞丞則曰御史中丞兼某官給事中諫議則曰某官權御史中丞事次有知雜御史一員副中丞判臺事自中丞以下掌糾繩內外百官姦隱肅朝廷紀綱大事則廷辨小事則奏彈兩朝制元豐七年詔中丞雜歷在六曹侍郎之上元以御史中丞為從三品

臺書要語簡上霜凝筆端風起

崔象御史歲

望威憲府各重法冠孫樵紀室

新書內榮獨坐外總百僚

同上

有守者可以執憲

無私者可以閑邪

自集柳公綽制

煌煌天文宿星是環爰立執法其輝有煥

執憲之綱秉國之憲鷹揚虎視肅清違慢傳咸作中丞歲

直良農耘穡勿使能殖無禮是逐安指羽翼同上

周興鉄柱漢制繡衣蒼白

筆而繩違駭駟馬而明目故能出則督察萬里入則糾劾百僚揚確而言惟

賢是寄必須名高河朔價重漢南誇清風翩与妙拔心焉靡石直也如茲

北齊司馬子端為中丞選御史憲席持綱亦資糾正

胡文恭茶行柳植制

總憲度於朝端植風於天下

騶清路白簡深刻宋何尚之與顏延中書

其所以翼于君正於人者尤可知也

柳子厚御史中丞廳壁記

中朝執憲之

可四海維違之地凡居中外皆侯整齊五代會要

陛下使臣拾遺補闕以輔

盛德明善正失以平庶政舉錯維以正大臣皆當極其力以死繼之傳蘇

簡公言行錄

詩句白簡光朝列彤駟出禁中續嘉

古今事實**掌藏石室**御史大夫秦官有兩丞秩千石一日中丞在殿中蘭臺

掌圖籍秘書前百官表

又中丞有石室藏秘書圖識之屬環濟要略

執憲蘭

臺漢中丞故二千石為之或選侍御史高弟執憲中通典注又丞故二千石

執憲中司掌蘭臺秘書諸州刺史糾察百僚秦質漢儀又傅賢拜中丞執法中

司百僚敬服**執憲下谷**疏曰簡官前為御史中丞執憲下谷吐剛不

柔舉錯時當漢史**執法殿中**薛宣為御史中丞執法殿中外總部刺史前

本傳漢元帝擢陳咸為御史中丞總領州郡奏事謀諸御史內執法殿中

公卿以下皆畏憚之本傳**銅印青綬**後漢中丞兩梁冠銅印青綬漢儀

王佩綬 隋末中丞銅印墨綬進賢兩梁冠佩水蒼玉介憤絳朝服通典

郎官 王僧虔為御史中丞甲族由來多不居憲臺者謂為此官乃曰此是烏

衣郎坐處南史 **青箱御史** 王准之自曾祖彪之博聞多識練染朝儀其家世

相傳並譜江左舊事緘之青箱世謂之王氏青箱命御史中丞為百僚師

自夷之至准之四世此職焉南史 **號三獨坐** 光武特詔御史中丞與司隸校

尉尚書令會同並專帶而坐故京師號曰三獨坐後漢書 **孫三獨火** 宋張昇

諡康節仁宗諭執政曰張昇清直可在風憲乃以為御史中丞時富弼為相

歐陽脩為翰林學士論者以為三得人實錄 **近世獨步** 梁江淹字文通為中

丞明帝曰今君為南司足以震肅百僚也淹乃彈中書令謝朓等內外肅然

帝曰自宋以來無嚴明中丞君今日可謂近世獨步又江淹兼中丞彈劾不

避權勢一 **時髦** 江左中丞雖一時髦矜矜管梁名士猶不樂通典 **曰專**

相武元衡遷中丞延英對罷德宗自送之曰真宰相持平無私綱條悉舉唐

本傳 **可謂王臣** 兼遠遷御史中丞上每嘆其公命當遠曰卿在朝正也不如

象吐剛忠亮至勁可謂王臣晉書 **號為老虎** 晉隗鴻為中丞明法直繩無所

阿避號為老虎晉書 **又蕭惠開** 為中丞詔曰奉法直繩不阿權戚又傳 為

中丞明法直繩內外驚肅南史 **號曰龍門** 任昉為中丞奏稱輻湊預其議有

殷宗劉劭劉孺頭劉孝綽陸倕而心號曰龍門之遊雖貴公子孫不得預也

圖形 省張緬為中丞號為勁直梁武帝遺圖其形於臺省以厲當官同上

兄弟 並驕梁張緜字孝卿為中丞兄績為僕射元日朝會及百司執列兄弟

並道驕兩塗時人笑之三朝要畧 **三世居官** 盧奕拜御史中丞自懷謹煥及

奕三世居此官清節似之拜傳其夫 **唐本傳** **四世此職** 見前青箱御史

得風憲體 王舉正皇祐中為中丞會張美佐一日領四使留百官班廷議不

可又 狄青為樞密使力爭不能奪因請改官職上稱其得風憲之體遂除官

文殿學士 **選老成** 省仁宗嘗言中丞紀綱之首有選老成者為之朕亦印久

矣無如吾同姓命趙鼎為之蕭家相識 孫參林為御史中丞蕭唐介吳中復

為御史人或問曰君未嘗與二人相識而遽薦之何也答曰昔人耻其身御

史今豈求識面唐書 官也後二人皆以風力稱於天下東軒筆錄 **事必先御**

史墓故事三院御史言事必先自岳水育劉子儀為中丞始榜臺中今後御

史有言不預先自中丞至今如此歸田錄 **出目朕選** 唐介召為御史中丞太

宗面諭曰卿在先朝有直聲今出有朕選非由左右言也同上 **不辱吾筆** 程

文簡公琳權御史中丞宰相張知白諡文節 曰是不辱吾筆奏劾賊吏 梁陸

杲為御史中丞性鯁直無所顧望時山陰令虞看任在賊汴杲奏收劫劫

書令人黃睦之以督事其果不吞武帝聞之以問果某曰有之帝曰睦之否答曰不識其人睦之在御側上指示曰此人是也果謂曰君小人何敢以罪人厲南司睦之失也有切時事張昇為中丞太宗以昇指切時事無所避曰卿孤特乃能如是昇曰臣朴學愚忠仰託睿聖是為不孤今陛下之臣持祿養交者多而赤心報國者少似陛下孤立也仁宗亦為之感動仁宗實錄

百寮嚴憚馮嚴字威卿拜中丞嚴舉劾按章申明舊典奉法察舉無所回避百寮憚之東觀漢記

百寮震肅宋化舉人為御史中丞明憲法無所屈撓奏劾尚書令徐羨之云百寮震肅莫敢犯禁南史

百官避路江左拜中丞不得復入尚書省中丞函簿至百官避路分紀

三公避道後魏御史中丞其出入千步清道與皇上太子分道王公避道北史

內外憚之宋荀伯子為中丞立朝正色內外憚之同上

遠近畏之後魏李彪遠近畏之豪右屏迹高祖謂羣臣曰吾之有李生猶漢之有汲黯也北史

氣貌孤峻崔從氣貌孤峻正色立朝彈奏不避裴慶為中丞用從自代

風望峻整高元裕開成中遷中丞風望峻整上言曰御史府紀綱之地官屬選用宜得實才其不稱者宜請出之唐書

憲府故事二院御史由大夫中丞有碎獨孤朗為中丞時崔馮鄭居中小由憲長而除授朗拒不納通典

官為憲長唐會昌元年中書門

下奏大夫秩崇官不常置中丞常為憲其長武宗會要

畏其筆端劉摯性使氣而人為御史中丞其得意彈蕭惠開云非才非望非勳非德真不畏其筆端為之紙貴江文尉常為御史中丞國朝自王義後曠數百年未有危言激論如此之彰灼者故推右振疎朝野喧騰騰寫彈文為之紙貴徐騎省為志

百進六事胡宗愈元祐中為中丞百進六事曰端本正志知難加意守法畏天且言陛下從古之初若留神於此六者則治道成矣事略

讀傳數行豐稷為中丞官官浸成廢懷唐書上殿為上讀仇士良傳數行上曰已論稷偽不聞讀畢九朝通畧

朝廷肅然徐陵為御史中丞時安成王瑱為司空以帝弟之尊權傾朝野直其鮑僧獻假王威風抑塞詞訟陵乃引南宮官屬奏彈之自是朝廷肅然南史

權豪震肅晉周處為中丞奏石崇王彤等正繩其筆推豪震肅宋傳

武冠執囊梁中丞給威儀十人其八人武冠絳鞞執青纓囊在前南史

籠街鳴道鄧元舉上疏曰元和長慶中中丞呵止不過半坊今乃至兩坊謂之籠街鳴道但以崇高自大唐書

擢按察使御史其有闕吏隸臺南十四年声喏之時以所執之擬待中丞賢否賢則橫其擬不賢則直其擬凡為中丞惟恐其直時范諷為中丞二日視其擬直范問曰爾擬忽直豈我之失耶吏曰昨日中丞召客諭危人造食指揮者數四去又教戒之數四

大凡役人者授以法觀其成何俟喋以之繁若使宰天下如此不亦勞乎其

心却之不刃杖之直也范大笑斬明日視之挺復橫矣東軒筆錄賜扇美獻

張詠為御史中丞時真宗令進所著述且稱文善取常執銷金龍扇以賜之

曰美今日獻文事言行錄法自貴始韓康肅公絳權御史中丞孫冲呂溱等

守藩犯法從官聯首請貴其罪公曰法自貴者始更相救援則公道廢矣遂

并劾之言行錄恩不假人杜衍為中丞首宰相而下畏之曰是不肯以恩意

假人者也事畧鳳臨鷹翼上曰牛僧孺可為大夫鄭覃曰頃為中丞未嘗博

擊也無風望上曰鸞鳳與雁為隼事文宗實錄鷹揚虎視見前羣書要語

引諸論奸仁宗以夏竦為樞密使臺諫交論論其奸邪上未省遽起中丞王

拱辰懿恪引上裾前後十八疏乃罷言行錄蔡神海文熙寧王介甫初拜參

政苦獻可任御史中丞將入對而翰學司馬溫公侍講適英亦將趨資善堂

以候宜召於路溫公卷問曰今日請對欲言何事獻可舉手曰袖中彈文乃

新參也溫公愕然曰奈何論之獻可曰王安石雖有時名然好執偏見不通

物情在侍從或可容置之政府則天下必受其弊上新嗣位朝夕與謀者二

三執政苟非其人將敗國事此乃心腹之疾顧可緩邪未幾介甫亦去言行錄

騷然溫公退居洛陽每曰臣獻可之先見予所不見聞見錄論宰相曹公宰

相呂頤浩專恣中丞趙鼎論之遷鼎翰林學士鼎引司馬光故事以不習駢

駢不就遷吏書復辭章十數上頤浩罷鼎即出視中丞事系年錄論元豐謂

蘇轍為御史中丞時元豐舊黨分布中外多起邪說以搥搥在朝臣微中

劉莘老遂欲引用其黨以平舊怨謂之調停轍於延和面論其非退以劄子

奏入宣仁后命宰執於薦前讀之仍諭之曰蘇轍疑吾君臣兼用邪正言極

史舊以中丞兼檢理使殿中侍御史兼左右巡使左右巡使分糾不法者文官違失右巡主之武官違失左巡主之大夫掌肅正朝廷綱紀及以儀法糾治百官之罪失而中丞侍御史為之貳元置侍御史二人位御史中丞之下

羣書要語榮服繡衣寵簪白筆孫樵記室新書御史吾耳目之官也非清白勁正不泥不撓者安可使辨淑慝振紀綱廣吾之聰明焉自集王甲伯侍御史制

史制我口銀印元微之行准既兼制當憲守雄極之任徐騎省行盧文微知雜制並服牙冠式司綱憲同上行王仲連制率是幹用使持憲綱

同上行盧文微制越登司官肅我朝命楊荆州誅注司官理書御史始以御史在長慶寶曆之際匡拂時病廢瑰貴近杜牧行高元格制處以橫榻使參中司曲阜制橫榻一異殿工簪筆以奏不法往貳中憲同上自執簡隨振憲風同上行盛陶制

詩包借問持斧翁幾年長沙客杜甫贈吳十侍御來簪御史筆同上醉冠十侍御鷲鳥得秋氣法星懸火炁劉禹錫早秋送楊侍御歸朝晚趨天闕烏紗海內直先臺古栢寒饒易簿遊添霜者且指戒冰心蘇味道懷臺中諸友古今事實鐵柱不持侍御史周官也為柱下史冠法冠一名曰柱後以

之言其審固不撓也應劭漢官儀又漢張蒼為柱下史明習天下圖書前百官表前百官表

冠秦制也法官服之按董巴注云獬豸神手也秦邑云如淳應劭曰此獸主觸不直故執法者象之楚王獲神手以為冠秦城楚以其君冠賜執法近臣後漢輿服志御史服之

後一車懸豹尾薛綜注曰侍御史載之自筆御史魏書大朝會殿中御史簪自筆側陞而坐帝問此何官何所主辛毗曰此謂御史舊時簪筆以奏不法如今者直備位但眊音鈔筆耳三國志自免御史王弘義遷侍御史始賤時

求傍舍凡不與乃騰文言園有自免縣集眾捕逐眊無遺內史李昭得曰昔聞蒼鷹獄吏今見白兔御史國之龜寶隋柳或為侍御史當朝正也百僚敬暉上嘉之曰柳或正也之士國之龜寶魏書王義方曰陛下拜臣侍

御史濫朝廷之雄職本傳京師畏之為之語曰行行且止避乘驄馬御史後本傳京師避路唐故事京

尹遇侍御諸衢當避唐書立宣帝延平劾奏霍光專廢立無人臣禮奏雖寢朝廷肅然前漢本傳

奏無威儀陳翔拜侍御史元日朝賀大將軍梁冀威儀不整翔奏請收冀理

罪時人奇之後漢史頭駁乘輿甫屠剛字巨卿建武初拜侍御史遷尚書令

寔多直無所屈撻龍蜀未平上嘗欲近出剛止不聽剛以頭駁乘輿使馬

不得前東觀漢記獨埋車輪張綱為侍御史安帝時遣八使按行風俗綱獨

埋其車輪於洛陽都亭曰豺狼當道安問狐狸遂奏大將軍梁冀兄弟後本

傳持節出使維立為補衣使者持節分行天下觀覽風俗所至專分誅賞

漢制當軍利高順帝時為侍御史中常侍高受勅迎太子不齎詔書高橫

劍當車曰御史受詔監護太子太子國之儲副當侍無一尺詔書安知非挾

奸邪今日之事有死而已堯不敢爭漢書王義方劫李義甫曰臣首玉

階庶明臣節本傳奏事龍墀舊制入閣侍御一員在龍墀邊祇候彈奏公事

唐六典彈劾十罪劉忠肅公鞏為侍御史彈劾蔡確其罪有十又論章惇凶

悍輕銳無大臣體皆罷決斷大獄庚峻為秘書丞通觀古今見聞益廣長安

大獄久不決轉為侍御史斷之朝野稱慶王隱晉書奏言劉敞字長昇

遷侍御史武庫失火尚書郭彭望百人自衛而不救大駭正色詰之彭怒曰

我能截君角也噉勃然曰天子法冠而欲截角乎君何敢時寵作威福求紙

筆裴之彭伏不敢言晉本傳驚怖膽落唐敬宗朝夏州節度使李祐入朝

真詔進奉侍御温造彈之祐趨出待罪股戰流汗謂人曰吾夜踰秦州城擒

吳元濟未嘗心動今日瞻落温御史矣温造傳爭濮王禮范忠宣公純仁為

侍御史時方議濮安懿王典禮大臣與從官異論公請如從官議公在臺教

言人所難言及爭濮王禮引証據經語存大臣九切錄是名震天下言行錄

御諫省氣林正惠公大中除侍御史鄧司諫驛以許旨後將作監公請曲加

後漢書

陳登東狀唐賈言忠為侍御史時有事遼東言忠奉使往支軍糧及

還高宗問以軍事言忠盡具山川地勢且陳遼東可平之狀高宗大悅

清要官唐李素立高祖令授七品清要官所司擬雍州司戶上曰此官要

而不清擬秘書郎上曰此官清而不要遂授侍御史唐史又唐宣宗欲與韋

宙好官拜侍御史職林**和番判官**唐竇群隱居毗陵以節饒聞召為左拾遺

遷侍御史入番使判官羣因入對奏曰陛下即位二十年始自草擇擢臣為拾

遺是難其進也今陛下以二十年難進之臣用為和番判官一何易也德宗

異其言留為侍御史分紀**謹固執職**賈顯孫中丞新除侍御史呂誨常彈黜

過失遷延引避諱言嘗薦誦為御史知其方正謹厚一時公言非有嫌忌願

得終與其事誨乃就職通略**忠義復任**劉忠肅公摯權侍御史公自熙寧以

言去位踰十六年乃復任言貴好佞刻薄之更事狀顯者公且止在彈劾多

所貶黜中外肅然時人以比包布仁呂獻可上奏其忠議誠信可屬重任未

幾大用焉言行錄**棄職去留**舊御史遭長官於途皆免帽降乘長官最繼辭

而止焉乾封中王本立為侍御史意氣頗高逢長官端揖而已自是諸人

或降而立或一足至地或側軼地輒輕重無常開元以來但舉鞭從耳而已

通典**獄室不罰**侍御史凡上堂絕言笑有不可忍者雜端大笑則闔堂皆笑

謂之烘堂烘堂不罰脫輿注真行及試員外為合口椒殿中曰生美侍御

為脆梨漸入佳味賈言忠撰監察本草**有勁節**御史臺侍御史廳前有两

株柏樹章中李元同張仁禔為侍御史所植也杜易簡為之贊云爰有貞柏

徙植清臺蔚條霜勁奔葉風開始逢鵬喜終見鳥來續通典**鷹鷂**言乾

封二年章仁約除御史與公卿相見未嘗行拜禮或勉之仁約曰鵬鷂鷹鷂

豈眾禽之偶奈何設拜以狎之且耳目之官故當特立乃曰御史衙命出使

不能動搖山岳震揚州縣成曠職耳鵬鷂唐王恩愔為左臺侍御史

執法剛正百僚畏懼時人呼為鳥鵬言其顧瞻人吏如鵬鷂之視燕雀也

官用景祐中有郎吏皮仲容街衢為一輕薄子所戲遠前質之聞君

有憲其妻之命仲容立馬謝謝久之徐問何以知對曰朝廷所制臺官必用

稀姓若故以君姓知之爾蓋是時三院御史乃仲簡論程學禹錫也聞者傳

為笑皇言皇祐中侍御史徐宗况奏次年宜州長蘆江口建佛剎時

轉運使希崇與崇之旨上言天長六合城壁皆五代時所築上曰設檢雖亦故

事然朕方恃德不恃儉設或有天寇盜一小邑雖有城池亦不足禦卿為臺

官當為朕言國家大事未幾出知穎州御則天將不利於王室羅

織之徒已興矣時長侯思立為游擊將軍高元禮呼之為侯大曰國家用人

不次若言侯大不識字即奏云獬豸獸亦不識字而能觸邪則天果如其問
思立以獬豸對則天大喜三年乃拜左臺侍御史天馬不及言皇祐中侍御
史宋禧上言乞宮中養羅江狗以備不虞上曰養兵百萬威制夷狄尚慮不
可備不虞卿令宮中養狗無謂也曹穎叔言朝言不及犬馬而禮被戮於是
有宋羅江之號

○治書侍御史 歷代沿革漢宣帝宣室齋居史事令侍御史二人治書侍側
後因別置謂之治書侍御史蓋其始也魏置治書執法掌奏劾而治書侍
御史掌律令二官俱置晉惟治書侍御史四員太始四年又置黃沙獄治
書侍御史一人後并河南遂省黃沙治書侍御史及太康中又省之宋齊
只置一人梁置二人後魏太和八年為持書侍御史後齊亦置二人隋開
皇中有持書侍御史一人為大夫之貳唐貞元中避高宗諱省之依前代
置御史中丞宋無治書御史之官 侍御史下又有治書侍御史二人
古今事實周遷三臺後漢蔡邕以侍御史遷治書御史又遷尚書三日之間
周遷三臺意謂劉子翊為持書侍御史每朝廷疑議子翊為之辯析多
出眾人意見表無不盡歡魏王觀明帝幸許昌名觀為治書侍御史典行臺獄
時多倉卒喜笑而觀不阿意順旨行劾得令魏職品令云乘輿臨堂及臨處

視事則持書侍御史協律令於階側以備顧問

治書侍御史宋齊已來此職甚輕天監初始重其選東前依尚書丞給二
駟執盛印青囊端多疑容柳或為持書侍御史時左僕射楊素嘗奏重

常以小寵勅送南臺素恃貴重坐柳或自外來於階上端笏整容謂素曰
奉勅理公之罪素遽下或據案而坐立素於朝辨置狀素由是嗚伏

近小人知命奏劾百寮震慄

石服賜其公游元兼持書侍御史宇文述軍敗帝令元理其獄述時貴倖勢

傾朝廷遣家僮送元有所請屬元不之見他日數述曰公地屬親賢腹心是

寄當外身責已以勸事君乃遣人相告欲何所道持之愈急仍以狀劾之帝

嘉其公正於是賜朝服一襲制出無言唐孫伏伽為持書侍御史先被內省

而制未出歸臥其家無喜色頃之吏及門子弟驚曰伏伽徐起視之時人枕
其有量不復言論頃者廷尉多擢回而苟充茲位治書侍御史不復議識里
語曰縣官漫以寃死者半謂之南奔謝幾卿梁天監中自尚書三公郎為治
書侍御史舊郎官轉為此職者謂之南奔幾卿頗失忘多陳疾臺事更不復

理

○殿中侍御史 歷代沿革 魏蘭臺置御史二人居殿中伺察姦非側陛而坐故曰殿中侍御史晉至北齊皆有隋改為殿內侍御史煬帝省唐武德

置殿中侍御史四員正官增二人掌殿廷供奉之儀京畿諸州兵皆隸焉

彈舉違失號為副端正班列於閣門之外有離立失列言實而不肅則紀

罰之其正冬大會則戴豸乘馬加飾文明元年又置殿中裏行宋殿中

侍御史二人正七品掌言事糾凡朝會及朔望六參官班序元豐八年

詔殿中侍御史兼察事監察御史兼言事元置殿中侍御史二人每遇侍

朝立於龍墀之下專掌朝見之儀

薛書要語執法殿中俛專議論 曲阜陳師錫制 按武夔龍造羽鶴路 韋絢傳

詩曰峨豸豸備列 韓愈答張徹 自簡光朝刻形騶出禁中 褚亮 盛府題青臺

珠章動繡衣 蘇味道

古今事實 廊廟之材 唐張行成少師事劉炫炫曰張子體局方正廊廟材也

補殿中侍御史糾劾不避威權太宗謂房元齡曰觀古今用人必因媒介若

行成者朕自舉之無先容也 本傳 清廟之器 唐李珣字待價為殿中侍御史

宰相豈處厚曰清廟之器豈博擊才比除禮部員外郎 同上 謂殿中

沿 鴻鸞 上官儀位宰相時以雍州司士韋絢為殿中侍御史或疑非

遷儀曰此野人語耳御史供奉赤墀下接武夔龍造羽鶴鸞豈雍州判佐比

乎 韋絢傳 鐵面御史 趙清猷公升召為殿中侍御史彈劾不避權侍京師號

為鐵面御史 骨鯁殿院 杜幸老為御史極言無隱取衆所指如王繼先張去

偽輩乘擊去之及罷去朝士祖道都門以詩文敘述者百餘人都人至今以

為美談 雖宿衛武夫府寺賤諫論說前朝骨鯁敢言之臣必曰杜殿院云 中

見前御史門 天子御史 龐莊敏公籍人為殿中侍御史中丞孔道輔謂人曰今

之御史多承望要人風旨張為之用獨龐公天子御史耳 言行錄 諫官御史

見前御史門 治獄無枉 唐崔仁師正觀初改殿中侍御史青州有男子謀逆有司捕

支黨龜嶺係獄詔仁師按覆正坐懸懸十餘人他悉原縱大理少卿孫伏伽

謂曰原宥者衆誰肯讓死枕決而事變本何仁師曰治獄主仁恕豈有疑枉

不申為身謀哉及勅使覆訊諸囚皆叩頭曰崔公仁恕必無枉者舉無異辭

由是知名 本傳 甲鍾鼓樓 唐天成二年御史武美每遇入閣且欲依常朝例

差殿中侍御史二員相鍾鼓樓位各後供奉官班出入唯冀共為糾察從之

五代會要 出觀家門 監察御史職知朝堂正門無籍非因奏事不得入至殿

中

廷在樓鳳閣南望殿中侍御史以上從觀象門出若從天降唐會要

名治平二年以范純仁為殿中侍御史呂大防為監察御史裏行近制御史

有調則命翰林學士御史中丞選舉一人而上自擇取一人為之至是闕兩

員樂若未上內出純仁大防姓名而命之實錄**王補**紹興末金虜謀入

寇官張去偽陰沮敵議通鑑避伏陳俊卿為殿中侍御史請斬之上愕然

曰公仁者之勇楊誠齋集**掌正朝班**殿中侍御史掌殿庭供奉之職正班列

於閣門之外糾雜班語不諫者自官志**又**唐臨初為殿中侍御史韋挺以朝

班不整責之臨曰此小事不足介意通鑑**張行成**字德立為殿中侍御

史糾察嚴正嘗侍宴太宗語山東及關中人意有同異行成曰天子四海為

家不容以東西為限是示人以隘矣帝稱善自是有大政事令與議焉唐本

傳**王無競**轉殿中侍御史舊例每日更直於殿有三班時宰相宗

楚客楊再思常離班偶語無競前曰朝禮至敬公等大臣不宜輕易以慢常

典珠林**讀石**遂改傳獻簡公堯俞英宗即位遷殿中侍御史皇太后同聽政

上疾平公上疏請太后還政太后聽頗聞內侍守忠有異語公又上疏太后

遂還政而逐守忠等通鑑**陳正獻**公俊卿任殿中侍御史時金虜謀入

寇舊臣惟張忠獻在謫居湖湘中外翕然歸之上心益疑公上疏乞除一近

郡以擊人心上大悟明日除兵部侍郎後數月竟用張公守建康楊誠齋集

上言不入趙清獻公抃字閱道除殿中侍御史先是呂溱出守後蔡襄守京

吳奎守壽州終守河陽歐陽脩乞蔡賈黯乞荆南公即上言近日正人賢如

脩輩無幾今皆欲請郡者以不能請事權要傷之者衆矣脩等由此不去

時各臣賴之以安言行錄**耶為**皇身皇祐中詔中丞孫抃舉御史抃舉吳中

復或曰公平生不識中復何由知之抃曰昔人耻為皇身御史今我豈求識

面臺官遂除殿中侍御史通鑑**為言事**慶曆五年殿中侍御史梅摯監察御史

李京竝為言事御史唐制御史不專言職故天禧始置言事御史六員其後

久不除至是始除之會要**牢**球不忠殿中為羅勣亦曰生羨雖辣而不為患

賈言忠本草**強御**不畏宋紹興三十一年杜莘老為殿中侍御史入見上曰

知卿不畏強御故有此授自是用卿系年錄**彈**一十八道呂誨字獻可端之

孫也召為殿中侍御史彈劾無所避公主夜扣禁門劾奏公主問官者竄逐

之彈樞密使宋庠不稱其瞻之望陳昇之為樞密副使誨與唐介趙抃論昇

之交結中人不可大用章十八上卒與昇之俱罷通鑑**勿**平三人殿中侍御史

常同為御史不數月劾罷監司不才者二十有三八中外從然中興系年錄

論宰相回傳何刻字聖徒為監察御史遷殿中權御史知雜上疏論宰相陳

論宰相回傳何刻字聖徒為監察御史遷殿中權御史知雜上疏論宰相陳

論宰相回傳何刻字聖徒為監察御史遷殿中權御史知雜上疏論宰相陳

執中寡學術參知政事于度輟脫夏竦回使皆不協人望親從官謀為不軌竊發寢殿而連日賊未得內臣楊懷敏倚夏竦甚竟失職之過刻劾其罪章累上懷敏遂斥去事略
言大臣奸邪汪微言明遠為殿中侍御史上言昔虞曆初京師一日無雲而雷仁宗以天變如此由夏竦奸邪亟命黜之前日無雲而雷人情駭異其變蓋在大臣言行錄
十年將相河東缺浦便章郇公言文彥博者有稱呂許公曰可召來面詢之召至堂上許公不交一談但睨睨不已郇公因言河東事曰彥博鄉里無所不知及退許公歎曰此大有福人何所任用不可遂直殿中侍御史差委不出十年出將入相言行錄
四庫御史郭弘霸為左臺殿中侍御史則天召見弘霸自陳忠鯁云往年征徐敬業臣願抽其筋食其肉飲其血絕其髓則天悅故拜為左臺侍御史

○**監察御史**歷代沿革秦有監御史掌監部漢惠帝六年相國奏遣御史監三部監者二歲更常以十一月奏事十一月選監其後州置監御史宣帝遣御史察計簿不實者監察之名兼取於此東晉武帝太元中置檢校御史知行馬外事沈約宋書曰古司隸校尉知行馬外事晉世左罷司隸置檢校專掌行馬外事晉書曰初以其昆昆為此官

齊復置中二人隋改檢校御史為監察御史蓋取秦監御史之義以名之

凡十二人煬帝增置十六人唐武德初置八人正觀二十二年加二人又置監察御史裏行以馬周為之自此便以為官之名宋御史多出外任風憲之職以他官領之太平興國二年詔本司自薦屬官俾正名舉職天禧元年詔別置御史六員不兼他職凡須一員奏事有急務聽非時入對以殿中丞劉平為監察御史上用新詔也嘉禧四年中丞韓絳請置裏行從之熙寧三年除秀州軍事推官李定權監察御史裏行用選人為御史自定始也宋敏求繳詞頭云去歲驟用京官今又募職官便具朝者峻處糾繩之地臣恐未厭眾議五年詔秘書殿中內侍省不隸六察如有違慢委言事御史彈奏七年大正官名以言事官為殿中侍御史六察官為監察御史堂吏戶禮兵刑工之事在京百司而察其繆誤八年詔監察御史兼言事殿中侍御史兼察事徽宗時如壁雍大成府等學太官局翰林儀鸞司東西上閣門客省引進四方館皆不隸臺察崇寧間大臣欲其便已而南臺御史亦有不言事者自大觀臣僚申請而殿中六尚壁雍大成府等學太官局翰林儀鸞司皆隸六察自余應求有言而東西上閣門客省引進四方館皆隸御史自胡璠陳申請而本臺始增入御史言事又乾道二年詔自今非曾任兩任縣人不得除監察御史著為條令元御史臺置監察御史又置曲事

群書要略續衣始拜其筆升朝堂閣以之生風豪貴由之斂手陳子昂集
惠文冠察行馬外事夢得集 佩冠惠文往專刺督曲阜除傳稱制

古今事實 **唐御史** 唐御史其有三院三曰察院監察御史諫焉 **唐御史**

唐監察御史有六其一察官人善惡其二察戶口流散帳籍隱沒賦役不均

其三察農桑不勤倉廩耗減其四察妖滑賊盜不事生業為私蠹害其五察

德行孝悌茂材異等藏器晦迹應時用者其六察黠吏豪宗兼并縱暴負貲

寃苦不能自申者百官志 **亦曰蘭臺** 晉孝武置檢校御史掌行馬外事亦蘭

臺之職通典詳見沿革 **謂之松廳** 察院諸廳各有地名會昌初監察御史鄭

路所首禮察廳謂之松廳南有古松也因語錄 **張** 諫為監察

褚遂良及再相出之或申之答曰大丈夫當正也之地必明目張膽以報國

恩終不能為碌碌之臣保妻子耳本傳 **唐** 監察御史職知朝堂正

門無籍非因奏事不得入至殿庭在棣鳳閣南視殿中侍御史以上從觀象

門出若從天降至開元七年勅並隨仗入閣會要 **宋** 御史

為監察御史五原有冤獄久不決真卿至擢之天友早獄決乃兩郡人呼為御史兩

元曰我受命無私神喜善教遂命濟而風息本傳 **夜** 加 **韓** 思彥為監察御史具言

當世得失高宗夜召加一階唐史 **郭弘霸** 自陳討徐敬業臣哲也

其筋食其肉飲其血絕其髓武后大悅授監察御史時號四其御史同上

初京兆尹 德宗即位之初侍御史宋敏請復舊制置朱衣冠於內廊有犯

者御史則以彈舉上許之建中元年監察御史張著冠冕劾京兆尹兼御

史中丞嚴郢於紫微殿劾御史中丞而着賜緋魚袋自是日懸衣冠于宣

政之左廊續通典 **初節度使** 元稹拜監察按獄東川因劾奏節度使嚴礪違

詔過賦凡十餘年本傳 **初背闕坐** 李劼拜監察御史屬朝廷右武勳臣持寵

多不知禮大將管崇嗣於行在朝堂背闕而坐劼劾之肅宗歎曰吾有李劼

始知朝廷尊矣本傳 **諫死** 唐李素立武德初為監察御史時有犯法不

至死高祖特令殺而素立諫曰三尺之法與天下共受一法動搖則無所措

手足臣奉法司不敢奉旨帝乃從之分紀 **諫而相制** 元宗有故人言市船利

上命監察御史楊範臣往求之範臣奏曰御史天子耳目之官必有軍國大

事臣雖官竊矣瘡死不取辭此特胡人眩惑求媚無益聖德上尉諭而罷

論 馬周客中郎將常何家為何條二千余事皆當世所切太宗在問

何何曰此非臣所能家客教臣言之客忠孝人也帝即召之未至遣使四輩

趣及見與語大悅拜監察御史乃上疏論王長通明白達本樂土今超受高

爵與外廷朝會鳴玉更履臣切耻之帝善其言本傳

不樂檢高柳渾召拜監

察御史臺僚以儀矩相繩而放曠不樂檢高乃求補外宰相惜其才唐本傳

不樂檢高章表徵擢進士授監察御史不樂曰爵祿譬滋味也人皆欲之吾

年五十拭鏡擲白眉遊少年間取一班一級不見其味也將為松菊主人不

愧陶淵明云**上秋樓鳥**見詩話**中難鷓鴣**河南伊闕縣前每僚佐有入臺者

即水中灘出石爍金砂清澈可愛牛僧孺為賦一日報灘出縣僚共觀之有

老吏曰此必分司御史若是西臺當有一雙鷓鴣僧孺因舉杯祝曰既成有

灘何惜鷓鴣言訖一雙鷓鴣飛下灘中不旬日僧孺拜察院劇談

楊假楊收並遺直之子假自浙西觀察判官入為監察御史收亦自西川入

為監察御史兄弟並居憲府特為新例**兄弟八為**專賈之始為監察御史舉

其弟纁自代及為右補缺纁代為御史議者不謂之私並本傳

獸字天祺除監察御史爭新法章數十上最後言今天惡夫去橫歛矣除不

正之司尚存無名之使方擾又詣中書爭之王安石以羽掩面而笑曰獸

之狂直宜為參政所笑天下之人笑參政亦不亦矣淵源錄

為監察御史言錢惟演與一謂交結不赴臺州置入相謂人曰若相惟演當

取祿制裂之國史本傳**趙世就職**劉忠肅公摯除監察御史飲就職語家

人曰趣裝無為安居計未及陛對首上疏論事劉元成集

劾奏犯令劉庠字

希道除監察御史裏行奉震庫失盜庠劾奏近時領皇城司者初禁銷金李

珣犯令庠言法行當自貴近始英宗曰朕豈然一李珣邪珣乃仁宗外家若

行之天下謂何同上**乞治內降**傅堯俞為監察御史裏行朱晦子穎士求內

降監汲口鎮而都水監復薦之公言察院既不治穎士求內降罪而都水又

安知其可任而舉之上下相結迭相阿徇其盜名盟將不借一汲口鎮而已

乃罷穎士權權權單焉言行錄**乞罷高平**張載名為監察御史裏行每進對必

陳古道引大休不舉可細論王安石變法非是乞罷條例司及追還常平使

者東都事略**諫言**唐李善感為監察御史裏行永淳初造奉天宮於嵩

陽縣又於藍田造萬全宮金鳳極諫時人以此林之分紀**諫世**楊虞卿

為監察楊宗初立多出逸遊荒恣上疏切諫帝令宰臣云虞卿所上議切諫

可覽後宰臣令狐楚因以納諫為實**體**明道先生為御史時為裏行

神宗召對問所以為御史對曰使臣拾遺補缺裨贊朝廷則可使臣撥拾臣

下短長以沽直名則不能神宗歎賞以為得御史體**明道先生**權

監察御史裏行神宗素知先生從容咨訪比一二見遂期以大用每將退必

曰頗求對來欲常相見爾程伊川文集**言紀綱五事**呂大防字微仲除監察

御史裏行首言紀綱賞罰之際未厭四方之望者有五陳利病其詳
字與資權監察御史裏行公在言職非唐虞三代不論初對上十事陳得失
利病多人所難言者言行錄極論宮中謹愈操守堅正願言無所忌遷監察
御史上疏極論宮中德宗怒貶山陽令極論權嬖裴度遷監察御史論權嬖
梗切本傳歷面狀趙涓承泰初為監察御史時禁中失火與東宮稍近代
宗深疑之涓周歷嫔嬙按逮迹狀乃上直中官遺人所致也德宗時在東宮
常感涓涓寤理詳細及刺衢州年考既深與韓滉不相得混奏免涓官德宗
見其名謂宰臣曰豈非承泰初御史趙涓乎對曰然即拜尚書左丞
張嘉貞長安中侍御史張循憲為河東採訪使嘉貞材堪憲官請以已
之官秩授之則天召見垂簾與之言嘉貞奏曰以臣草茅而得入謁九重是
千載一遇咫尺之間如隔雲霧竟不觀日月地臣之道有所未盡則天遂令
卷簾與語大悅擢拜監察御史陳絕言宗王敬叟召為監察御史上疏極
陳時事之弊以謂不絕害源百姓無由樂生不屏群邪太平終是難致
明道先生顯權監察御史裏行前後進說甚多要以正心窒欲求賢
育材為先嘗言人主當防未萌之欲神宗俯身拱手曰當為卿戒之伊川撰
行狀號夜人見唐監察御史李全交專以酷虐為業臺中號為鬼面夜人

吏傳為開椒椒監察為開口椒毒微歌裏行及試負外為合口椒
詩話詠院中叢竹唐呂太一拜監察御史裏行自負才華而不即真乃詠院
中叢竹以寄意焉曰擢上堂軒竹青上耐歲寒心直徒見賞籜小未成竿
詠樓鳥李太亮劉涓奏李義甫召見試令詠樓鳥立成詩曰日裏颺朝衫
琴中伴夜唯上林多少樹不借一枝樓太宗深賞之我將全樹借汝豈惟一
枝拜監察御史唐史

○檢法漢隋有御史臺主簿至宋熙寧十一年改主簿作檢法官各一員係
長貳同舉京官充元豐四年罷見宣和二年御史臺申請六年復置各一
員元祐三年改檢法官為主簿紹聖二年因董敦逸奏請復置掌檢詳法
律續會要四朝志又熊氏職畧云固初沿唐制御史臺有權直官元豐官
制行始罷權直而置檢法按四朝志權直罷於改官制之時而檢法之置
乃在熙寧十年當考元御史臺亦有檢法

古今事實鈞考簿書宋御史臺其屬有檢詳法律主簿鈞考簿書堂領錢穀
各一人從八品神宗正史職官志分治職事元豐六年九月中丞黃履言本
臺有主簿兼檢法官二員乞復置分治職事詔置主簿兼檢法官一員會要
參預定刑中丞黃履奏本臺主簿檢法官係分掌班亦參預定刑所領職事

元豐六年九月中丞黃履言本
會要
參預定刑中丞黃履奏本臺主簿檢法官係分掌班亦參預定刑所領職事

與他司不同同上 點檢文字御史臺主簿掌受事發辰勾檢稽失兼簿書錢穀之事元豐三年李定請增置一員點檢六按文字元祐元年大理寺左斷刑架閣庫專委主簿主管續會要

○登聞鼓院 歷代沿革唐天寶九載改理匭使為獻納使後又改知匭使宋雍熙元年改匭為檢東延恩日崇仁南招諫日思諫西申寃日申明北通

女日招賢景德四年改為登閣檢院命樞密直學士張詠判 仍差內品監門不得開預公事諫諫大夫掌受文武官及士民章奏表疏凡言朝政

得失公私利害軍期機密陳乞恩掌理雪冤濫又奇方異術皆受以通達凡進狀者先鼓院若為所抑則詣檢院外有理檢院今不置使於淳化三

年置理檢院於乾元門之西北廊以知制誥錢若水領之復唐制也至道三年廢天聖七上因讀唐史見匭函達下民寃杜之事乃謂左在日天

下九州之大豈無寃枉之人若至京師檢院鼓院理雪者必是州縣吏提點刑獄轉運使不能理雪又若不為申理則赤子無告矣乃置匭使仍專

命御史中丞為理檢使以分紀中興之初因舊制置局于闕門之前 舊在宣德門外伏諫門下南渡以來創治所於和寧門之下紹興戊寅復承

平之制移置居雙闕之左元置登聞檢院又置同知一員

辭書要語 皇帝清問下民繇寡有辭于苗書乃立掌匭之司設通事 在達下情于上天啟王言于有位李華含九殿賦

古今事實 受四方書唐武后垂拱二年有魚保宗者上書請置匭以受四方之書乃鑄匭百官志 置四區匭武后置匭四區東曰延恩有以養人觀農

事及賦頌求宮爵者投之南曰招諫有言時政得失及直言正諫者投之西曰伸寃有披陳寃抑者投之北曰通玄有言玄象非常災變及隱秘者投之

以正諫大夫補闕拾遺一人知匭事唐書 論治謂宋監登聞檢院呂社字安老特轉一官守右正言社上疏論致治之體疏入召對復進三策上嘉

納之遂有是命廣言路 紹興十年呂察奏疏云國家置檢鼓院所以興匭廣言路通下情也置理檢使 咸平改登聞院曰登聞檢院鼓司曰登聞鼓院自

是匭函遂廢天聖間復於檢院鼓院各以匭函為檢匣凡言大事朝政闕失或訴寃未辨者悉令檢匣以進即言涉奇邪無得通聞置檢理使領之隆平

集 上東封書田錫字表聖入判登聞檢院因壽筵餘獻詩二十韻太宗和賜又上東封書翼日命知制誥有卷示實錄

○登聞鼓院 歷代沿革宋文帝元嘉九年魏主詔闕左懸登聞鼓以達寃人南梁武帝天監元年詔於公府設木虡石傍各置一函百姓已窮九重莫

達若欲自申投肺石函唐大曆十四年詔天下冤滯於朝堂受詞推決尚
未盡者聽聽登聞鼓宋曰鼓所以內臣掌之鼓在宣德門南街北廊至道
三年命太子中舍王濟勾當鼓司用朝臣勾當自此始景德四年詔改為
登聞鼓院掌諸上封而進之以達萬人之情隸諫正言凡文武臣僚閣門
無例通進文字並先經登聞鼓院進狀未經鼓院者檢院不得收接建炎
元年因舊制置司于闕門之前高宗即位於南京召李綱為宰相綱奏曰
人生莫大於兼聽廣視使下情得以上通今艱難之際四方休戚利害日
欲上聞而士民之願效其智慮者尤多而檢鼓院猶未置恐非所以通下
情而急先務也遂置登聞鼓院於行在使門外二年專隸諫院元亦

置登聞鼓院掌奏告御史臺登聞鼓院理斷不當之事

群書要語九重嚴邃非叫闕之可聞萬邦遐曠因表疏而方達其有冤未申

投匭唐大詔令古者朝有誹謗之木敢諫之鼓所以通治道而來諫者也漢

書萬邦之事無隔於九重猷替之謀不遺於聽覽唐大詔令

古今事實建登聞鼓太宗旁求諫諍俯察詭譎廣延不諱之書建登聞之鼓

于時在朝無闕政四海無疲人不遺聽覽其蠶春聞鼓者委金吾將軍收進

不得輒有傷損亦不須令人遮擁禁止其理醜使但任投匭人移表狀於匭

中依常進來不須留嗣本俟有止遇登聞鼓唐大曆十四年詔天下冤

滯於朝堂受詞推決尚未盡者聽聽登聞鼓以懸闕左宋元嘉九年魏主詔

關左懸登聞鼓以達冤人通鑑以代謗寶應元年制下自黎庶上及公卿

並須投匭論及時政得失仰差中正清白官一人知匭務知招其直言以代

誹謗之木其匭朝夕出入續通典東坡遠器蘇軾字子瞻判登聞鼓院英宗

在藩聞軾名欲以唐故事召入翰林宰相韓琦曰蘇軾之才遠大之器天下

之士莫不畏其降伏皆欲其進用然不若朝廷培養之而後用也及試一論

復入三等得直史館伊川畫辭程伊川差兼判登聞鼓院先生引前說且言

入談道德出領詞訟非用入體再辭不受文集故求諸局呂申公公著識正

獻堯邦登聞鼓院公研精講學無進趨之意嘗與王介甫相對而嘆曰今天

下雖小康然堯舜之道知其不可復行以故求開局將以遂其志言行錄

即謂去李椿字壽翁監登聞鼓院淵觀電方盛同舍人走其門公耻之自

去晦菴集讀賜錦袍景德二年改鼓司為登聞鼓院即命周起謚安惠判鼓

院會十月賜近臣錦袍特預之仁宗實錄改為檢圍見前聞檢院同

古今事類全書新集卷之二 終



